

Akamanyiso
Shreveport, Louisiana USA
Okwa-ikumi-na-kumwe 28, 1963

1 Yebare.

Niinyikiriza.

Mukama, niinyikiriza; Mukama, niinyikiriza,

Ebantu byona nibibaasika; Mukama, niinyikiriza.

Ka twinikye emitwe yaitu ababw'akaanya kakye tushabe, kandi omu kaanya kakye aka ak'okuha Ruhanga ekitinisa, turikumanya ngu tugarukire kuteerana, kuteeranira hanu omu Iziina rya Mukama, Kumuramya. Niinyebuuza, omu bateeraniire hanu, yaaba hariho n'omwe orikubaasa kuba aine ekyetengo ky'omutaano eki arikwenda ngu amanyise Ruhanga, ekiro eki, obwo nimwimutysa emikono yaanyu kugira ngu mwijukwe omu shaara. Eifo omu kishengye ky'ahansi y'eitaka, aha ibaraza rya kaanyaabiri, na hoonahoona, nikyo kimwe, Naareeba emikono yaanyu.

2 Ruhanga Ow'obushoborozi bwona, Omuhangi w'Eiguru n'ensi, nitwija Ahariiwe, omu Iziina rya Mukama Yesu. Ahabw'okuba, tukaragaanisibwa ngu ku turyaija omu Iziina Rye, turyaheebwa eki turikushaba. N'ahabw'ekyo nitushaba, Taata, ngu eky'okubanza otusaasire ekintu kyona ekirikutuzibira, ekirikubaasa kuzibira okushaba kwaitu ekiro eki, k'Eshagama ya Mukama Yesu hati erihirire ekyo, obwo nitwatura enshobe zaitu omu bucureezi. Kandi nitushabira buri kyetengo, buri mukono ogwateebwa ahaiguru. Noomanya ekyaba kiri ahansi y'ogwo mukono, Mukama, eki gurikumanyisa. Kandi ninshaba ngu Ogarukyemu kurugiirira aha bwengye Bwawe bukur, Mukama, nitumanya ngu noomanya ebantu byona, kandi okabimanya okuruga omu kutandika.

Kandi nitushaba ngu eki nikiza kuba ekiro ekiriguma nikijukwa kumara obwire buraingwa, ababw'Okubaho Kwawe okuri naitwe. Obwo twemereire ekiro eki aha Kusiima oku, eizooba ry'okuhendera, okujaguza kukuru omu ihanga ryona, oku Waabaire murungi ahari baatatenkuriitwe, naitwe nitwinika emitwe yaitu Kukwebaza, Mukama, ababw'ebi Otukoreire. Hati nitushaba ngu Otuhe ebantu ebi ebi turikushaba, ababw'okuba nitubishaba omu Iziina rya Yesu Kristo, kandi n'Okumuha ekitinisa. Amiina. (Nimubaasa kushutama.)

3 Buzima ninsiima ahabw'omugisha gw'okugaruka kuba hanu, ekiro eki, kuteeranira omu kishengye kihango eki kya Tabirinaakuru ya Life, kugambira abantu.

Nitushaba kusaasirwa. Ow'eishe-emwe Moore agizire ngu tibakatungahoga, omu byafaayo by'ekanisa egi, abantu baangi nka hati. Bongeirweho abandi baangi, ekiro eki, okukira oku baarakozire omu byafaayo byona by'ekanisa egi, okuruga omu maisho hariya. Buri mwanya gwijwire omunda, aheeru, ekishengye ahansi y'eitaka, aha rubaju rw'ebisiika, kandi n'omu bukuubo bw'omu nju n'aheeru omu nguuto z'omu rurembo, kandi nabwo abantu nibakiija. N'ahabw'ekyo nitusiima ahabw'okuba hakiriho enjara y'okuhurira Ekigambo kya Ruhanga, mbwenu hati nitusiima ahabw'eki.

4 Kandi hati, Mukama ku araakunde, nyenkyakare ekiro nitubaasa kutandika kushabira abantu abarware, nk'oku tukira kugira ekiro kimwe, nari bibiri, obu tuba turi hanu omu nteerane ezi, ngu tushabire abarware. Kandi Mukama buzima atwire naatuha omugisha enshumi nkye ehingwire, omu bintu ebyo.

Mbaire nimbagambira akasheeshe aka aha mukyara, kandi eshaaha ngu hati haihi emyaka eshatu, nka, oo, emyaka etaano nari mukaaga ehingwire, ahabw'okukwata omukono gwe ekiro kimwe, ningyezaho kworeka omuntu, omukazi ondijo, oku okutetema, nimumanya, kandi akaba ataine ekintu kyona ekishobire, nkamushanga aine ekizimba. Dokita tarabaasize kukibona. Emysaka eshatu nari ena yaahwa, tiyabaasa kukibona.

Aha muheru kyareebeka, nk'emyaka ebiri ehweire, kyatandika kukura jubajuba; okuruga aha kwingana n'akajuma ka walunati, ekingano ky'endimu, hati kyaingana n'omucungwa. Omushaho . . . Tukaba tuhamire, ababw'okwikiriza. Bwanyima omushaho yaagira ati, "Nimuteekwa kukiihamu. Nikiza kumwita. Nooteekwa kukorwaho."

5 Kandi nyomwebazyo, nari ijweri, nimmanya ngu nyomwebazyo abaire naazayo omurundi gwe gw'aha muheru, atakakyebirwe, ntsimbire amaju omu kishengye, ninshaba, n'omutima gwangye gwona. Kandi ku nyimukire, nari ku ntandikire . . . Ntakaimukire, Angambiire eky'okugamba. Reero naimuka. Kandi dokita tarikubaasa kubona n'akacweka kaakyo, ahantu hoona. Kyona tikiriho. Kandi-kandi buzima kigyzire, kandi tikiriho bundi.

Ngarukire naamuteerera esimu, akaanya kakye akahweire, kandi abaire ashemereirwe munonga. Angambiire ati, "Saabiiti ehweire," ati, "Bill, obuhuruzi bubaire buri bwingi munonga, mbaire ntarikubaasa n'okushutama ntebekeine, mbaire ntarikubaasa kugwejegyera nyekiro, nangwa na busha." Ati, "Buri kaire ku mbaire ningyezaho kuhinduka, ekyo kizimba kihango kibaire nikihinduka omunda." Kandi yaagira ati, "Nyine ebigambo bya dokita hanu, ati, 'Muky. Branham . . .' Ahonaaho ku arugire aha meeza, we na bamwe aha b'eishe-emwekaza. 'Yaagira ati, 'Tihariho n'akacweka kamwe kaakyo. Tindikumanya ekyabaho.' Ati, 'Tihariho n'akacweka kamwe kaakyo.' Kandi yaagira ati-yaagira ati, 'Imuka.' Kandi eki agambire ngu nkore, nkikozire. Kandi, ekyo, Mukama agarukiremu ebitsigaire."

6 Nindeeba ahaifo hanu munywani wangye owa ira. Enshumi nkye ehwire, omunywani orikwetwa . . . N'Omugirimaani. Eiziina rye ni D-a-u-c-h, nintekateeka, omuringo ogu arikugaitururamu eiziina rye. Kwonka tumweta Dauch, 'habw'okuba tindikubaasa kugamba ekyo kigambo ky'Orugirimaani kurungi. Emyaka makumi mwenda na gumwe y'obukuru. Nkamubatiza omu Iziina rya Yesu Kristo, enshumi nkye ehweire. Omushaija murungi, akaba ari omushagiki mukuru wa Oral Roberts n'abandi bashaija. Kwonka eizooba rimwe ku yaizire omuri tabirinaakuru, akaba ataine bijwaro, akaba naayenda kubatizibwa, oku kyabaire kiri kwona.

7 Ekiro kiri, abaire ahikize emyaka makumi mwenda na gumwe y'obukuru. Tikugira ngu akaba aine endwara y'okuteerwa omutima kwonka, kureka omutima gwe gukaremerwa kimwe kuteera. Omukazi we oshutami aho, ni naasi omukugu owaahuumwire. Bakamuta omu irwariro omuri Lima, Ohio, eriine bamwe ahari baadokita rurangaanwa abu baabaire baine omu ihanga. Ataine omugisha gw'okuguma ahuriire okumara eshaaha emwe nari okukiraho, ebyo bikaba bihweire; omutima kuremwaa kuteera, emyaka makumi mwenda na gumwe y'obukuru, kandi n'okuteerwa omutima. Nkateekateeka nti, "Ow'eishe-emwe Bill Dauch omucureezi, shana ninza kumureeba omurundi gw'aha muheru. Nintekwa kugyezaho kumuhihako." Nkashaba ekiro kyona. Ku bangambiire ngu akaba abyami naateerwa omutima, nkamanya ngu, aha myaka makumi mwenda na gumwe y'obukuru, akaba atarikwija kwimuka.

8 N'ahabw'ekyo, hati munywani wangye omurungi nk'ogwo, kandi ow'eka yangye, bwanyima naaza kumubugana, akasheeshe akaakuratsireho. Omu muhanda ninzayo, nkaba nintekateeka nti, "K'abaire ari omushaija murungi!" Kandi naateekateeka nti, "Eizooba rimwe niinyija kugaruka mureebe." Kandi naataahamu ku . . .

Nkavuga n'obwira, n'omupiira gwafumuka, tinaatunga obwire bw'okugutereeza nari kugwihamu . . . egyo nziga etaterereire, yaashara ogwo mupiira gwaba obucweka-cweka, ahabw'okwinamuka egyo mianda rugyenda y'enkogoto. Reero naataahamu, naagira nti, "Tinyine bwire bw'okuhindura."

Ogwo mushaija yaagira ati, "Noija kugubarura, waavuga ezindi mahiro magana abiri."

Naagira nti, "Tinyine bwire, sebo. Yebare. Gurekye gubarukye." Kandi naagira nti, "Nyine ogundi ogu nyebiikiire. Nintekwa kuhika ahari munywani wangye orikufa."

9 Kandi naatandika kugyendagyenda aho. Reero naaranzya ahaiguru, kandi okworekwa kwaija. Naareeba Ow'eishe-emwe Dauch ashutami omu kanisa. Naamureeba, naija, kandi ngugu yaashuumma omu ruguuto rw'omu tauni, kandi yaakwata omukono gwangye yaaguzunguza. Yaagira ati, "Gyenda omugambire oti, 'OKU NIKWO MUKAMA ARIKUGIRA.'"

Ngugu ashutami hanu, sebo. Kandi nk'omu saaviisi eyaakuratiireho, nkareeba ahansi okwo, kandi reeba ngugwo Ow'eishe-emwe Dauch akaba ashutami omu kanisa, avugire motoka mairo magana ashatu okuruga Ohio. Saabiiti ehweire nkaza New York, ngugwo akaba ashutami omuri New York, omuri ebyo byona. Ngugu ari eifo kunu omuri Shreveport, ekiro eki, ashutami hanu hati.

Ku ndiraba omu marembo mahango g'obwire bw'amagara, nkataaha omu Butahwaho, Ruhanga ku ariikiriza nkagyenda n'obusingye, ekiro kimwe ndyamukwata omu ngaro seeri kuri, 'habw'okuba Ruhanga niwe omwe.

10 Ebiro bikye ebihingwire, ebintu bikuru, tinkaabaasa kubagambira ebibaireho omu biro bikye ebihingwire. Nikireebeka nkakyo, niinyikiriza, omu . . . kurugiirira aha kyabaireho omuri Colorado, saabiiti nkye ezhireire, Mukama abaire omunyambabazi nyingi ahariinye, ku-kugarukamu okushaba kwangye. Kandi hashemereire kubaho ekicweka kya kashatu, nimumanya, eky'obuheereza; kandi tindikubaasa kukimanya, eki kiri. N'ahabw'ekyo niinyikiriza ngu Mukama arinaitwe kandi naaza kukora ebintu bikuru.

11 Ekiro eki, nteekateekire, ahabw'okuba oku kubaire okujaguza ekiro ky'okusiiima, omu mwanya gw'okubuurira, ninza kurtiwara nk'eishomo rya Sande sikuulu, reero nteho omusingye gwa saaviisi eri . . . saaviisi y'okutamba endwara kandi n'e-n'endijo saaviisi yoona, omusingye gw'Engiri. Kandi ngambiire ow'eishe-emwe kushoma omu Kitabo ky'Okuruga, eshuura ya 12. Niinyija kugumizamu kushoma . . . nari kushomayo ekindi kicweka eki yaashomire, okwo. Niinyenda kugaruka nyiheylo ekiteekateeko kyangye. Omushororongo gwa 12 gw'eshuura ya 12, n'omushororongo gwa 13, nintekateeka nti nigwo.

Ahakuba ekyo kiro ndyaraba omu nsi ya Misri, nyite emijigaijo yoona ey'omuri egyo nsi, ey'abantu n'ey'amatungo; na baaruhanga boona aba Misri mpikiirize orubanja oru mbacwereire; Nyowe MUKAMA.

Egyo shagama eryaba akamanyiso ahariimwe, akatairwe aha maju agu murimu; naanye ku ndireeba egyo shagama, ndyabahinguraho: ku nditeera ensi ya Misri, imwe timurihihaho rufu rwona kubacwekyereza.

12 Ekyo n'Ekyahandiikirwe ky'omutaano ahariinye. Kandi hati nyine Ebyahandiikirwe bingi, bingi munonga hanu ebihandiikirwe, hamwe n'ebihandiiko, ebi ndikwenda kugambaho edakiika nkye. Kandi tinka . . . okwenda kurikora nk'eishomo rya Sande sikuulu, kugira ngu tubaase kwetegyereza kurungi.

Kandi ntegyereize obwire bw'okweshuka, kw'Omwoyo wa Ruhanga, omu biro ebi by'aha muheru ebi tutwiremu; ahabw'okwija kw'amaani kw'Omwoyo Orikweria ogundi murundi, omu Kanisa; ahabw'okwikiriza

kw'okutwarwa, ekyo kitakabaireho. Kandi buri kimwe kiri omu buteeka ahaw'b'ekyo. Kandi niinyikiriza ngu hati turi omu bunaku obwo obu Ekigambo kishemereire kuba eky'okubanza omuri byona. Niinyikiriza ngu n'obwire bw'okuta aha rubaju enyikiriza zaitu n'ebiteekateeko byaitu, reero tukagaruka aha Kigambo.

13 Ruhanga, omuri buri busingye, nk'oku ngambire nyomwebazyo, Akagamba omuheru kuruga omu kutandika. Akagamba ekyabaire nikiza kubaho omuri buri busingye. Nabwo, kandi, "Omu bunaku obwa ira, Ruhanga, akatuma baanabi." Obunaku bwa buri kintu kubaho ku bwabaire buhika ahaw'b'obusingye obwo, Akaba atuma baanabi. Kandi Ekigambo kya Ruhanga burijo kiizira baanabi Be, nabi w'obusingye obwo. Kandi buri bwire, ekintu kyonka eki nabi ogwo yaabaire akora kukaba kuri okworeka, buzima, okuragaanisa aha busingye obwo.

Kandi ekiro eki Mukama waitu Yesu yaiziireho, Akaba ari okweyoreka kw'Ekigambo ky'obusingye obwo. Akaba ari Isaaya 9:6, "Ahabw'okuba Omwana atuzaairiwe," n'ebindi. Kandi nabwo akaba ari Isaaya 35, Isaaya 28:19, nikyo kimwe. Ebyo, Ebyahandiikirwe ebyo byona ebyagambirwe bitakabaireho, Akaja kworeka ekyo Kigambo. Akakora buzima ekyo ekyabaire kishemereire kukorwa omu biro ebyo. Ahakuba, Ekigambo, Ekitabo eki nikyo Kigambo, kandi Ekigambo niwe Ruhanga.

14 Kandi hati kyaherize kutebeekanisibwa. Nikyetaagisa omuntu kwija, akashuuura okuragaanisibwa okwo, okwikiriza omuri . . . okweta kwa Ruhanga. Kandi nimmanya ngu turabire omu kutooreza kwingi, n'ebindi. Musa na Arooni nabo bakaraba omu kintu nikyo kimwe. Kwonka, ekyo ku kiraabeho, mwemerere muhamire. Musa, ku yaabugaine abo abarikumanyira ebantu aheeru y'ebihurikizo bitaano (nk'okuhurira, okureeba n'ebindi), akabareka baagumizamu. Buzima bakaba nibakora ebi yaakozire, kwonka akategyereza okuhitsya obu okweyoreka okwiyire kwabaireho. Kandi kikaragaanisibwa ngu ekintu nikyo kimwe kikaba nikiza kubaho omu biro by'aha muheru. "Nka Yane na Yambere oku baahakanise Musa," nikwo n'abashaija b'omu biro ebi. Kwonka, hati, ekyo tikirikuzibira okuragaanisibwa. Ekyo nikija kuhangutsya okuragaanisibwa. Ekyo nikija kutuma kyaba kyo buzima.

15 Hati niinyenda ngu mwetegyereze, ekiro eki, eki turikuza kugambaho ni: Akamanyiso. Akamanyiso!

Hati, eky'okubanza, niinyenda ngu mwetegyereze entebeekanisa y'e-y'eki oku eri, entebeekanisa y'okuhingurwaho. Neeteekwa kuba empaya y'entama, kandi neeteekwa kugyezibwa okumara ebiro ikumi na bina.

Ka n'ekirkushushanisa ekihikire kya Kristo, ekirikushushanisibwa, Ekishaija, Omwana gw'entama, kandi Akagyeyibwa okumara emyaka eshatu n'ekicweka omu buheereza Bwe, okuraba omu barikukyema na buri kintu, abanyadiini abatendekirwe ab'ebiro ebyo, kwonka kikahamibwa ku yaahamiire aha Kigambo kya Ishe. Nangwa n'omu maisho ga Sitaane, Akagira ati, "Kikahandiikwa. Kikahandiikwa." Obutoosha Akaba asingura omuzigu, ahaw'b'Ekigambo.

Eky'okureeberaho kyaitu ekihikire ky'ebiro ebi, burijo singura omuzigu n'Ekigambo kya Ruhanga ekihandiikirwe ahaw'b'ebiro ebyo!

Kandi akabagambira ati, "Musherura munonga omu Byahandiikirwe, ahakuba muteekateeka ngu Omuribyo nimwo mwine Amagara Agatahwaho; haza kandi Ebyo Nibyo Bimpamya." Omu bindi bigambo, "Ku Ndaabe ntarikukora ebi Ebyahandiikirwe bigira ngu bishemereire kukorwa omu biro ebi, obwo Ndi otarikwikiriza. Mbwenu n'oha orikubaasa Kuunyomesereza ekibi?" Ekibi ni "obutaikiriza." Akooreka okuragaanisibwa kwona oku Ruhanga yaaragaaniise ahaw'b'ebiro ebyo. Akakuhikiiriza. Akahikiiriza eby'ebiro ebyo ahaw'b'okuba Akaba ari Mesia, kandi ebyo bikaba biri ebiro bya Mesia.

16 Hati nitureeba ngu, omu bwire bw'omwabazyo, omwana gw'entama gukaitwa, ahanyima ya kyakiro, omu-omu mwabazyo munonga. Omuringo nigwo gumwe ogu Omwana gw'entama gwaitiirwemu!

Hati mwetegyereze, omutwe gw'Abaisraeli boona bakaba nibateekwa kwita omwana gw'entama. Kandi Israeli niyo yaabaire kareebi w'okufa Kwe kandi baagamba n'eiraka rihango ngu Eshagama Ye ebatukurire. Ekyo nitwija kukigambo nyenkyakare ekiro, Mukama ku ara- . . . ku kiraabaasike kandi kikashemeza Mukama, "Eshagama kubatukurira."

Kandi mwetegyereze, eshagama egi ekaba etajwangirwemu ekindi kintu kyona. Ekaba etarikubaasa kujwangwa. Ekaba eri eshagama, yonka, y'omwana gw'entama ogwo. Kandi neeteekwa kumisiirwa aha kisasi n'aha kiti ky'omuryango. Ekaba etarikubaasa kujwangwa.

Ekyo nikyo ebi, Kinu nibagyezaho kukijwanga na buri kintu kyona, enyikiriza z'amadiini n'okukwatanisa n'abandi baingi, n'o-n'okweshemeza kwa buri muringo na buri kintu, kwonka tikirikubaasa kujwangwa! Tihariho nangwa na busha, Tikirikubaasa kujwangana n'ekintu kyona. Eshagama terikubaasa kujwangwa.

17 Kandi niguteekwa kuriibwa, abantu beeteekateekire, bajwaire beeteekateekyeire orugyendo. Eshagama egi ku yaabaire ekoresibwa, abantu nibateekwa kweteekateekyera orugyendo.

Tikiri eky'otarikwikiriza, ayemereire aheeru kandi Naakiitirwa embabazi. N'eky'omwikiriza owaaherize kuza ahansi y'Eshagama, owaaherize kujwara, ojwaire enkaito, enkoni agiine omu ngaro, oyezirikire, kandi

oyeteekateekire kugyenda.

18 Enshonga etumire naatoorana eriizooba, ekiro ky'okusiima, okujaguza, ahakuba eriizooba n'o-n'okujaguza, ngu baatatenkuriitwe abashuhuki abu Ruhanga yaahaire omugisha kwija seeri hanu kutandika eihanga. Kandi bakaritandika, kandi ryaba eihanga ry'amaani munonga. Niryeshumba buri kintu omu nsi eriizooba, omu kusiisikara kwaryo kwona, kwonka niriteekwa kugwa. Tirirabaire rihango, okurugiirira omu Byahandiikirwe. Tirirakuzire. Rikaba riri omunyeeto, omwana gw'entaama. "Bwanyima omwana gw'entaa gwa gamburga nk'ekijoka ekyagubandiize." Tigurarugire omu maizi, omutwe muhango gw'abantu baingi, kureka gukaruga omu itaka. N'ahabw'ekyo nitureeba ngu omwana gw'entaa gukaba gwine amahembe abiri, agaabaire gari obushoboorozi bw'eb'yobutegyeki n'eb'y'ediini; hatariho kubangaanisa, nibikorera hamwe hati kugamba nk'ekijoka, kukora ekishushani ky'enyamaishwa, kandi tukiine obugabe bw'okuramya Ruhanga omu ihanga eri.

19 Kandi hati nitwinika emitwe yaitu, okwetoroora emeeza yaitu eriizooba, kwebaza Ruhanga ahabw'eb'y'okurya by'obutoosha ebi Atuhingiire kandi akatutebeekanisiza, omwaka ogu. Kandi ekyo kuri Atarakikozire, twena tukaabaire twafiire. Ahabw'okuba, omuringo gumwe gwonka ogu orikubaasa kuba ohuriire omu mubiri, n'ahabw'okuba hariho ekintu ekirikuteekwa kufa buriizooba kugira ngu obone kuba ohuriire. Ku oraarye enyama, ente ekafa. Ku oraarye entaama, mpaho, ekafa. Ku oraarye ebitakuri, amagara gaabyo, gakafa. Ku oraarye emboga ezirkwiragura, zikafa. Oba ohuriire ahabw'ebintu ebifiire. Kandi ekintu ku kiraabe kitafire, torikubaasa kuba ohuriire.

Mbwenu ekintu ku kiraabe nikibanza kyafa, kugira ngu obone kuba ohuriire omu mubiri, ka ni kikuru munonga ngu hagire ekyafa kugira ngu tubone kuba abahuriire Obutahwaho. Kandi n'ahabw'ekintu ekiriko ekirikuruga omu kufa oku eki ndikugambaho ekiro eki, ekitureeteire kuba abahuriire ekiro eki. Ekintu nikiteekwa kufa. Okuhingurwaho kukaba kuri ekirikushushanisa Kristo, Amagara gaitu Agatahwaho. Hati nitwenda okutebeekana kwanyu-kwanyu okwijwire.

20 Akamanyiso. Akagira ati, "Eshagama eryaba akamanyiso ahariimwe," a-akabonero. "Akamanyiso," okurugiirira ahari Webster, "n'akabonero k'omuhendo gwaherize kushashurwa." Akamanyiso n'akabonero akarikworeka ngu omuhendo gwaherize kushashurwa.

Nk'ebitongore by'egaari y'omwika n'ebitongore bya baasi. Nootaahamu kandi nooyenda ku . . . Nootemba omu baasi ahabw'akamanyiso omu myanya mingi, nari omu gaari z'omwika. Nooshashura sente z'orugyendo, n'orushashurira, kandi bakuha akamanyiso kworeka ngu sente z'okushashurira orugyendo zaaherize kushashurwa. N'ahabw'ekyo nikyo orikuteekwa kuba oine kugira ngu otaahe omu takisi nari omu kitongore ky'egaari y'omwika.

21 Omwana gw'entaa gwa Israeli, ogwaitsirwe, nikyo Yehova yaabaire naabenzo. Kuhunga rufu, nihateekwa kubaho eky'okuza omu mwanya gwa rufu. Kandi Yehova akaba naayetenga omwana gw'entaa omwaitsirwe, kandi eshagama ekaba eri akamanyiso ngu ekirikwetaagisibwa kyakozirwe. Hati, eshagama ekaba eri-ekaba eri akabonero kworeka ngu hariho ekyabaire kifiire, kandi eshagama yo yonka ekaba eri akamanyiso. Ekaba neegamba, ngu, "Enju egi ehikiriize ebirikwetengwa by'ekigambo kya Yehova, n'ahabw'ekyo erinzirwe n'akamanyiso aka, ngu sente z'orugyendo rwaitu zaaherize kushashurwa."

Ka n'ekirikushushanisa kirungi hanu, eki Kristo ari ahari eki, ka n'ekirikushushanisa ky'Akamanyiso kaitu ebiro ebi!

22 Amagara gakaruga omu kitambo. Kandi hati eshagama ekaba eri akamanyiso, okuragiira Kwe kukaba kukozirwe. Eshagama! Kikaba kitarikwetaagisa Yehova kukureeba noita omwana gw'entaa. Okaba nooyetaagisibwa kugira eshagama aha rwigi obu maraika wa rufu yaabaire naarabamu, kandi kakaba kari akamanyiso ngu omwana gw'entaa gukaba gufiire. Eshagama ekaba eri akamanyiso kworeka ngu ebi Yehova abaire naayetenga bikozirwe omu nju egi, kandi ngu omuhendo gwaherize kushashurwa, kandi akamanyiso kakaba kari ekyo. "Ku Ndireeba egyo shagama, Ndyabahinguraho." Akamanyiso kaaba kariho, kikooreka omuhendo. Mwareeba, eshagama ekaba etari rufu, kwonka ekaba eri akamanyiso ka rufu. "Ku Ndireeba eshagama, Niinyija kumanya ngu omuhendo gwa rufu gwaherize kushashurwa, n'ahabw'ekyo niinyija kubahinguraho."

23 Mwetegyereze, mureebe, omwikiriza orikuramya akaba ayeyoreka n'ekitambo kye, ahabw'akamanyiso. Orikuramya owaabaire naikiriza Yehova, kandi akahikiiriza eki Yehova yaabaire naayetenga, akaba ayeyoreka we wenka ahabw'okutaho akamanyiso ahabwe n'ahabw'ekyo, ekyo kikaba kiri ngu, orikuramya akaba naikiriza ekyo. Ekirikushushanisa ekihikire kya Kristo ebiro ebi! Mbwenu, eshagama ekaba eri akamanyiso k'okworeka, ngu omwikiriza ogu yaaherize kukora eki Yehova arikwetenga. "Kandi nimpamya ngu maraika wa rufu enju yangye naija kugihinguraho, ahabw'okuba ntairoho akamanyiso ka Yehova. Omwana gw'entaa gufiire, omu mwanya, gw'ekya yangye hamwe n'abakundwa bangye abari ahansi y'eshagama egi, kandi ako n'akamanyiso akarikworeka ngu omwana gw'entaa gufiire." Amiina. "Nkako akamanyiso. Ekyetengo kya Ruhanga kihikiiriziibwe." Amiina. Ku nkiteekateekaho, omutima gwangye gushemererwa.

24 Hati, amagara g'enyamaishwa gakaba gatarikubaasa kugaruka aha mwikiriza, mbwenu n'ahabw'ekyo eshagama ekaba neeteekwa kuza omu mwanya gw'akamanyiso. Mwareeba, eshagama, eshembirwe omu

nyamaishwa eyaatandikiire omu katafaari kamwe k'eshagama, ekaba ekozire eshagama egi yoona eyaabaire eri omu nyamaishwa. Eshagama egi ku yaataanisiibwemu, amagara gakaruga omu nyamaishwa. Hati, orikuramya, naayeyoreka n'eshagama, akaba naateekwa kworeka ebyo ebiraho ebikozire eshagama byonyini. Ahabw'enki? Nikyo ekkyo kyonka eki yaabaire naabaasa kworeka. Ahabw'okuba, amagara g'enyamaishwa gakaba gatarikubaasa kwija aha muntu, ahabw'okuba amagara g'enyamaishwa tigaine mwoyo (soul). Kwonka omuntu aine omwoyo. N'ahabw'ekyo ago magara gakaba gatarikubaasa kugaruka, n'ahabw'ekyo eshagama ekaba neeteekwa kuza omu mwanya gw'akamanyiso ka rufu.

25 Hati twine Akamanyiso ebi. Tuhairwe Akamanyiso akari ekirikushushanisibwa ky'ekyo ekikushushanisa. Eky'akamanyiso k'ebi'obuhangwa, tuhairwe Akamanyiso akarengire eby'obuhangwa, akarikukirirayo kimwe obukuru. Kandi ebyo byona ebyabaire biri ebicuucu ebirikushushanisa bihairwe obusingye obu, bihairwe Akamanyiso. Hati twine Omwoyo Orikwera, niwe Kamanyiso kaitu, kandi Niwe ekirikworeka kyaitu ngu twikiriize okufa kw'Omwana gw'Entaama. Yesu akaba atari amagara g'omuntu kutugarukaho kwonka, kureka Akaba ari Ruhanga We wenka owaayorekirwe omu mubiri, owaatugarwire tukahinduka abaana abaine obushoborozi, ngu hati turi batabani na bahara ba Ruhanga. Ako niko Kamanyiso. N'okweyoreka kwaitu kw'okuhingurwaho. N'okweyoreka kwaitu ngu twikiriize Ruhanga, kandi na Ruhanga yaikiriza.

26 Enyima okwo bakaba bataine Engiri nk'oku tugiine ebi, ekaba eyegyesibwa omu ntwaza kandi eraba omu migyzenzo, ahabw'okuba Omwoyo Orikwera akaba atakahairwe.

Kwonka, ebiro ebi, twine Ekintu kyonyini. Titwine endeebeka yonka, nari shi ebyo ebikozire ekintu; tokaabaasize kukwata Eshagama ya Yesu Kristo reero okagimisiira ahari buri mutima. Kwonka Ruhanga akoohereza Omwoyo Orikwera, ako n'Akamanyiso akaabaire kari aha muntu, omu mutima gw'omuntu. Kandi ekkyo nikyo ekirikworeka kyawe ku oyaakiire entebeekanisa ya Ruhanga, okahikiiriza ebi Yehova arikwetenga; Akabihikiiriza ahabwawe ahari Gologosa, kandi naiwe obihikiirize aha maju gaawe. Kandi Ruhanga akuhaire Akamanyiso k'akabonero, okugaruka kw'Omwoyo kukaba kuri ahari Kristo, kuri omuriwe, kandi obuhame oburikworeka amagara Ge, okufa, okuziikwa, n'okuzooka, kandi n'ohuriire ebiro byona, hati ari omu Kanisa erikwikiriza. Amiina. N'Akamanyiso akatarikubanganisibwaho, akamanyiso k'akabonero. Akarikubaasa . . .

27 Nikaija kugambwaho kubi, buzima. Ekyo nikyo kabeereireho. Misri ekakateerera enaku, nikwo n'abantu bakora ebiro ebi. Kwonka nabwo kakiri Akamanyiso ka Ruhanga akarikwetengwa. Bakaba batarikubaasa kuta eshagama, ebyo ebikozire Eshagama ya Yesu, nk'oku baabaire bakora omwana gw'entama; ahabw'okuba bakaba bamumisiiraho ebyo ebikozire eshagama y'entama, ahabw'okuba hakaba hatarimu magara omu mwana gw'entama agaabaire nigabaasa kugaruka ahari ogwo orikuramya. Kwonka hanu Amagara agaabaire gari omu Shagama . . . Obwo, "amagara gari omu shagama." Hati Eshagama ekasheesheka ahari Gologosa, yaayatika aha itaka, kandi twine Akamanyiso k'Eshagama, nikwo okubatizibwa kw'Omwoyo Orikwera, kworeka ku turi abaikiriza.

28 "Kandi obumanyiso obu buryaguma nibukuratira abarikwikiriza," batari abarikwatura kwonka, kureka abaikiriza aboorekirwe! "Nibubaasa kutabakuratira. Shana nibubaasa, kandi obundi buryabakuratira"? Yesu akagira ati, "Buryaguma nibukuratira abo abarikwikiriza." Buzima kwo tikirkubaasa kuremwa kubaho! "Emirimo ei Nkora naimwe muryagikora." Okwo n'okweyoreka. Okweyoreka kwa Yesu kukaba kuri okworeka Ekigambo kya Ruhanga, eki Yaabaire ari. Kandi okworekwa kw'Ekanisa ebiro ebi n'okworeka Ekigambo ekyaragaanisiibwe ahabw'ebiro ebi, ahabw'Omwoyo niwe omwe owaayorekire kandi akahindura Ekigambo kikaba ekihuriire buri. Omwoyo niwe omwe ahindura Ekigambo kuba ekihuriire aha mwikiriza ebiro ebi kandi ayoreka ekintu nikyo kimwe, naayoreka ngu Akamanyiso kari aha muntu ogu, nigo Magara ga Yesu Kristo agaazookire gatwire omu mwikiriza We. Oo, ekkyo ka kishemereire kutuma ekanisa yaayakamu omuriro! Kandi ago n'amazima, n'amazima nk'oku garikubaasa kuba amazima.

29 Nituteekwa kweyoreka n'ekitambo kyaitu. Nituteekwa kweyoreka omu kufa Kwe. Omuyudaaya ku yaabaire ata engaro ze aha kitambo, akaba aba naayeyoreka, naayeihaho ebibi bye naabita aha kitambo kye, kandi ekitambo kikaba kifa. Hati nituta engaro zaitu, ahabw'okwikiriza, ahari Yesu Kristo, kandi tweyoreka Nawe omu kufa Kwe.

T'omu kufa Kwe kwonka, kureka, twaba twikiriziibwe, nitweyoreka t'omu kufa Kwe kwonka kureka n'omu kuzooka Kwe. Ahabw'Amagara agaabaire gari Omuriwe, nigagarurwa aha mwikiriza, nk'akamanyiso, ekiijukizo ngu rufu erugiremu, kandi Ruhanga akutaireho akamanyiso kutaaha omu Bukama bwa Ruhanga okuhitsya aha kiro eki oricungurirwaho. Abaefeso 4:30.

Engiri yonyini y'amazima, eshemeire nk'oku ndikugimanya! Nimmanya ngu ehikire. Nkagigyeza. Tiharimu nyegyesa y'ekikwangara, tiharimu okukyamukiirira, tiharimu-tiharimu naama mbi, tiharimu eby'okubeihabeihisa, nangwa na busha. N'okwikiriza okushemere okutafungwire omu Kigambo kya Ruhanga hamwe n'emirimo ehweire ei Ruhanga yaabaire naayetenga ahari Gologosa, naamanya ngu tihariho kintu eki turikubaasa kukora kwejuna. Nitwakiira kwonka eki Yaatukoreire.

30 Abrahamu akaikiriza Ruhanga kandi kyamubarirwa kuba okuhikiirira. Reero Ruhanga yaamuha akamanyiso k'okusharwa, nk'akamanyiso ngu Akaba ayakiire okwikiriza kwe. Ngigyo Engiri.

Hati ku turikugira ngu nitwikiriza Ruhanga, kyaba kiri kityo Ruhanga naija kworeka okwikiriza kwaitu, ahabw'okutuha Akamanyiso k'Eshagama ya Yesu, ekyo kikaheza omurimo ahabwaitu ahari Gologosa, n'ahabw'ekyo Amagara gaitu gari omu Ge. Amagara g'ekitambo kyaitu gari omuriitwe.

Kikaba kitarikubaasa kwija ahabw'ebikozire eshagama y'omwana gw'entama, ahabw'okuba hakaba hatariho kintu kyona eky'okugaruka, kureka ebyo ebikozire eshagama. Okaba otarikubaasa kuta egoy shagama omu muntu. Tikirikukora, eshagama y'enyamaishwa terikubaasa kukoragana hamwe n'eshagama y'omuntu. N'ahabw'ekyo ebyo ebikozire eshagama bikaba bitarikubaasa kukora, kirikworeka ngu kikaba kiri ekicucu ekirikushushanisa.

31 Kwonka hati Amagara agaabaire gari omu Shagama nigaba Akamanyiso. Kandi hati ku turikweyoreka omu kufa Kwe, okuziikwa, n'okuzooka, ahabw'Okumwikiriza n'ahabw'okubatizibwa kutaaha omu kufa Kwe, okuziikwa, n'okuzooka. Ku turikwimuka, Omwoyo Orikwera ariho kutuha Akamanyiso, Akamanyiso Akatarihwaho kahandiikirwe aha mutima gwawe, amagara, engingo zaawe zoona, ebiteekateeko, omubiri, buri kintu kyona ekindi, ngu ori omuntu oyetaaniise, okuruga omu butaikiriza. Ori omuntu oyetaaniise, okuruga omu by'ensi. Okataana n'okufa. Okataana na buri kintu. Kandi ori ekintu eki Ruhanga ataireho akamanyiso kutaaha omu Bukama Bwe, ahabw'Omwoyo We Orikwera.

32 Tihariho daimoni, tihariho-tihariho burwaire, tihariho rufu, tihariho naku, nari ekindi kintu, ekirikubaasa kukuteganisa obwire bwona waaba okwatsire ako Kamanyiso ahaiguru yaakyo. Amiina. Okwikiriza kwawe okutarikuhinduka ekyo nikuba nikukiteerera omu mutima, kandi nikukora enshusha ya Yesu Kristo, Ekishushani eki orikugyenderamu eriizooba.

"Kandi ku Ndireeba ako kamanyiso, niinyija kukuhinguraho." N'akamanyiso, n'akamanyiso ngu omuhendo gwaherize kushashurwa. Yesu akashashura omuhendo, kandi waakatunga okuruga Ahariwe. Waaba okwatsire Akamanyiso omu ngaro zaawe, oine obuhame bw'okuzooka. Oine obuhame ngu buri kintu eki orikwetenga, omu rugyendo oru, kihairwe omu Kamanyiso ako k'okubonabona Kwe ahari Gologosa, ahi Yaashashwire omuhendo gwa buri mukyeeno ogwabaire nigubaasa kukuteebwaho. Ako Kamanyiso nikagamba obusingye. Amiina.

Tihariho daimoni erikubaasa kwemerera omu maisho Gaako. Tihariho ekintu kyona ekirikubaasa kwemerera omu maisho Gaako, ahabw'okuba Ruhanga Akaikiriize. Kandi n'okwata Akamanyiso omu ngaro zaawe, ngu omuhendo gushashwirwe. Oo, n'A-n'Akamanyiso akatarikubaasa kubanganisibwa.

33 Nimumanya, omu kooti, okuhurira orubanja ku kurikutebeekanisibwa, ku orikuba noomanya ngu noobaasa kwitwa, nk'omushaija ogu ow'omu kirabo oherize kwita Omw. Oswald. Ku waakumanya ngu ekyo kikuri omu maisho, nari ekintu ekiri nk'akyo, noobaasa kupangisa omutonganirizi orikukirayo oburungi ou waakubaasa kubona.

Naanye nikwo naakukora. Ku naakumanya ngu amagara gangye gari omu kabi kahango, nkaapangisa omutonganirizi orikukirayo oburungi ou naakubaasa kubona. Buri omwe akaakora ekyo. Nikyo kintu kyonka ky'oburyo eky'okukora.

Hati, omuri eki, okumanya ngu nooza kutwarwa oitirwe omu ntebe y'amashanyarazi, kandi ngu nooza kutaanisibwa n'eka yaawe, ebiro n'ebiro, obwo nibakwitsa amashanyarazi, nari kyona eki kyakuba kiri, ahabw'okuba noomanya ngu osingirwe orubanja. Kandi omutonganirizi ogu naagyezaho kukutonganirira.

34 Hati omutonganirizi naabaasa kuteekateeka ngu byona abyorekire kurungi. Kwonka, nimureeba, omuramuzi n'oha orikuza kucwa orubanja, yaaba omutonganirizi araabaase kukimworeka kurungi ngu oihirweho orubanja omu kikorwa kyawe. Omutonganirizi naateekwa kukyoreka omuramuzi kurungi munonga, kugira ngu omuramuzi abaase kureeba oburingaaniza bw'ekikorwa kyawe.

Ai Ruhanga, kuri abantu nibabaasa kureeba eki! Omuramuzi waitu niwe Omutonganirizi waitu. Titukiine rubanja. Ruhweire. Ogwo Omwe ori Omuramuzi niwe Mutonganirizi, niwe Mutonganirizi waitu. Titukiine rubanja, twine Akamanyiso. Bombi Omuramuzi n'Omutonganirizi n'Omuntu omwe. Ruhanga ku yaahindukire omuntu kandi akatuura naitwe, Omuramuzi waitu akahinduka Omutonganirizi waitu, n'ahabw'ekyo titukiine rubanja. Kandi Omwoyo Orikwera ari hanu nk'Akamanyiso ngu tweteekateekire kuruga hanu tukataaha omu Nsi ya seeri.

35 Tukomoroirwe kuruga omu kibi; titukiri ab'ekibi bundi, titukiri ab'ensi. "Imwe abaana bato, timuri ab'ensi." Omuramuzi waitu kandi Omutonganirizi akaba ari omwe ogwo, Omuntu niwe ogwo omwe, n'ahabw'ekyo titukiine orubanja. O-o-o-orubanja rukaba ruri orw'amaani munonga ahariitwe! Orubanja, ngu tukashiisha, rukaba ruri orw'amaani munonga ahariitwe, okuhitsya n'obu Maraika Omukuru yaabaire atarikubaasa kurutongana; akaba atarikubaasa kuhikiiriza ebirikwetengwa. Tihariho Maraika weena, tihariho Kerubi, tihariho Seraafi, tihariho ekintu kyona ekyakubaasize kukorwa kushashura omuhendo. Ekintu kyonka ekyabaire nikibaasa kukorwa kucungura oruganda rw'abantu akaba ari Omuramuzi kuza omu mwanya ogwo reero akaba Omutonganirizi, nawe. Kandi ekyo buzima nikyo kyonyini eki naakozire.

36 Akamanyiso ku karaabe, nari egoy shagama, omu bwire bwa Misri okurugayo, okurugayo kwabo, akamanyiso ku karaabe kaabaire kari kakuru munonga k'akabonero, hati ku . . . Ako kamanyiso kakaba katari kakuru kureka akamanyiso ku kaabaire koorekwa. Akamanyiso kakaba nikateekwa kworekwa. T'ogwo

orikusaasibwa akamanyiso; kureka akamanyiso nikateekwa kuteebwaho!

Kandi n'obu omuntu weena yaabaire naabaasa kuhamya ngu n'Omuyudaaya, kandi Omuyudaaya w'endagaano, ahabw'okusharwa, ekyo kikaba kitagira eki kyakikoraho na kakye. E . . . Kikaba nikyetaagisa akamanyiso, etari ndagaano. Taragizire ngu "ku Ndireeba akamanyiso k'endagaano." Kureka, "Ku Ndireeba akamanyiso!"

N'ahabw'ekyo, eriizooba, noobaasa kuba ori Omukristaayo orikwatura butunu, noobaasa kuba endagaano, endagaano na Kristo; kwonka ako Kamanyiso ku karaabe katoorekirwe omu shaaha egi ehweireyo ei turikuza kuhikaho hati, tihariho omuringo gwona ogu Arikuz ka hinguraho. Akamanyiso nikateekwa kworekwa. Nikateekwa kuba kariho.

37 Hati, mwijukye, Omuyudaaya akaabaasize kurugayo kandi agira ati, "Niinyija kubata aha rubaju bashaija 'mwe. Ekyo niinyikiriza ngu n'amazima. Niinyikiriza Musa, nabi. Niinyikiriza Enyomyo y'Omuriro erikumwebeembera. Niinyikiriza ngu ogwo ni Yehova." Akajuririra ebyo byona, akaikiriza Ekigambo kyona, obutumwa bwona, kwonka nabwo akagira ati, "Hati ndi gye nkaimwe, ahabw'okuba ndi Omuyudaaya oshazirwe." Ku yaabaire aba ataine egoy shagama omu kiro ky'okuhinguraho, nabwo akaba afa.

Kandi ebiro ebi, buri kanisa, buri muntu, otaine kandi otarikubaasa kworeka ako Kamanyiso, ak'Omwoyo Orikwera, ariyo naafa omu mwoyo kandi naija kufa. N'obu waakuba noikiririza ota omu kufa, okuziikwa, n'okuzooka; n'obu waakuba noobaasa kugarukamu Enyikiriza y'Entumwa ota, okagigarukamu, nari eki waakukora kyona; n'obu waakuba oyegire kwingana ki, kandi waatungire obumanyi omu by'abanyadiini abatendekirwe; noobaasa kuba oine zaadiguri z'obwa dokita, diguri ya Bachelor omu bya Art, nari ekindi kyona, diguri za DD, LD, Dokita omu rurimi rw'Oruraatini, nari kyona eki waakuba ori, nari ebyabakugu omu kuhandiika, kwonka ekyo tikirikubaasa kukikora. Nihateekwa kubaho Akamanyiso akoorekirwe.

38 Kikaba kiri ekicuucu eky'Ekiriho ekihikire ky'ebiro ebi, Ekirikushushanisibwa. Akamanyiso nikateekwa kworekwa. Omuyudaaya akaba naabaasa kworeka, kworeka obujurizi kuhamya ngu akaba ari omu ndagaano; kwonka akamanyaso ku kaabaire kaba katariho, endagaano ekaba etaine muhoho. Kandi nikwo kiri n'ebiro ebi, ow'eishe-emwe mugyensi wangye, ow'eishe-emwekazi mugyensi wangye.

Niinyenda ngu mwijukye eki. Imwe abari omunda, aheeru, omu kishengye ky'ahansi y'eitaka, hoonahoona ahu muri, eshaaha ehikire. Kandi buri omwe naabaasa kureeba obufuki omu kanisa ebiro ebi. Buri omwe naabaasa kureeba okufa kwa baangi, baamemba baangi munonga. N'ahabw'okuba ozaine munonga, waatwara okukyamukirira kandi waatwara n'ebindi bintu. Kandi waayesiga obwengye bw'omuntu, aha nyegyesa y'ebi'ediini y'ekibiina ky'ediini, ahabwa memba bw'ekanisa ya nyoko, kandi n'aha murisa omwesigwa. Kwonka ebyo byona ni birungi, tinyine eki ndikufa nabyo, nk'okusharwa aha Bayudaaya, kwonka egoy ekaba etari entebeekanisa ya Ruhanga. "Ku Ndireeba egoy shagama," kandi yo yonka!

39 Kandi ebiro ebi Omwoyo Orikwera niwe ndagaano ya Ruhanga n'abantu b'endagaano ya Ruhanga. Omwoyo Orikwera, Amagara ga Kristo owaazookire, naateekwa kworekwa omu kanisa omu bantu, Kirikumuhindura "otahinduka, oku abaire ari nyomwebazyo, n'eriizooba nikwo ari, kandi nikwo ariguma ebiro byona."

N'obu waakuba ori memba murungi ota! Noobaasa kuba eki ori kyona, omushaija murungi nari omukazi murungi. Ekyo buzima ni kirungi. Ekyo nitukisiima. Kwonka Akamanyiso konka niko karikwija kukurinda okaguma ohuriire, Akamanyiso ka Ruhanga. Noobaasa kuba omwegi wa Baiburi. Noobaasa kuba omuntu murungi. Nangwa noobaasa kuba ori Purezidenti. Noobaasa kuba ekintu kyona eki orikwenda kuba. Tihariho rwekwatso.

Ruhanga ku yaatandikire okuruga kw'okuruga Misri, naayeta Israeli okuruga Misri, kuza omu nsi Ye ei yaaragaaniise, hakaba hatariho zaarwekwatso. Buri muntu akaba naateekwa kworeka eshagama.

40 Kandi, ebiro ebi, okuruga, n'okweta okuruga omu ntwaza y'ediini, kutaaha omu Mugore. N'obu waakuba ori omu ntwaza y'ediini munonga ota, nabwo nikikyetaagisa Akamanyiso k'Amagara ga Yesu Kristo ogundi murundi. Tihariho ekindi ekirikubaasa kukora. Nabwo Akamanyiso nikakyetengwa.

Buri mushaija, n'obu yaakuba yaabaire ari omushaija omwesigwa. Naabaasa kuba yaabaire ari Faraho wa Misri, kandi ari omushaija orikukirayo kuba mukuru omu biro ebyo, kwonka akamanyiso kakaba nikateekwa kumuteebwaho, n'obu yaakuba yaabaire ari ow'ekitiinisa munonga ata. N'obu yaakuba yaabaire ari bishopu, omunyamurwa, ekindi kyona, purezidenti, omugabe, omutegyeki mukuru, omukama, ekyo kikaba kitaine kakwate nakyo. Ruhanga akaba naareeba abantu abatairweho akamanyiso b'endagaano bonka. Ekintu nikyo kimwe ebiro ebi, Omwoyo Orikwera naija kureeba abantu b'endagaano bonka.

41 Nitireeba ngu rufu ekaba eyeteekateekire kuteera Misri akaire koona hati. Ruhanga akaba yaaboorekire embabazi Ze, amaani, n'obumanyiso.

Niinyenda ngu mumanye ku ekyo kituura nikikuratira buri kusisiimuka; embabazi, amaani, n'obumanyiso. Embabazi, kwija aha bantu; amaani, kugira ngu Ayeyorekye; hamwe n'akamanyiso k'obunaku. Ekintu kyonyini eki Akozire ebiro ebi, ekindi kintu. Akikozire omu miringo mingi. Noobaasa kutwara ekyo Kyahandikirwe kimwe aho

reero okyetooroozemmu ogarukye okyetooroozemmu, okumara saabiiti ikumi hanu, kandi otaabaasa kukirugaho.

42 Ka kyabaire nikiza kushushaniriza ebicweka bishatu ebi turabiremu! Kikaba nikiza kushushaniriza embabazi z'emiringo eshatu za Ruhanga, okurabira omuri Luther Martin, na Pentekoote . . . Martin Luther, n'o-n'okurabira omuri Wesley, na Pentekoote, ebicweka bishatu by'orugyendo. Ebicweka bishatu by'orugyendo rwa Israeli, entumwa ishatu ezaagiire Sodoma, ebintu ebi byona ebitarikushushana ebi byabaire nibishushaniriza.

Bikaba nibiza kushushaniriza obuheereza bw'ebiro ebi. Bikaba nibiza kushushaniriza obutumwa bwa Billy Graham, obw'embabazi aha nsi; obwa Oral Roberts, nk'obw'amaani aha nsi; kandi n'obw'Okubaho kwa Yesu Kristo, nk'akamanyiso k'aha muheru aha nsi. Ahakuba Sodoma ekatunga akamanyiso kaayo k'aha muheru, Ekanisa y'omwoyo, eyaayetsirwe kurugayo, bakatunga akamanyiso k'aha muheru ensi y'abanyamahanga etakookiibwe. Yesu akagira ati, "Nikwo kiriba kityo omu kwija kw'Omwana w'omuntu, ekintu nikyo kimwe."

43 Kandi nitushanga ngu ebintu bikuru ebi bikaba byorekirwe omuri Misri, kandi nabwo ekyetengo kyabo kikaba kitari ky'okwegrakamu nari okwikiriza obutumwa.

Kandi egoy ku-kandi egoy ku eraabe etari ensi y'ebiro ebi, tindikumanya nsi. Baatungire embabazi, amaani, kandi baareeba obumanyiso bw'obusingye, obumanyiso bw'obwire. Ruhanga naahandiika, n'omukono Gwe omu by'obuhangwa, ebirikureebwa omu mwanya eby'amaani ebirikutiinisa, ebi batarikumanya, "ebibonwa omwe" nk'oku babyeta, kandi n'ebindi byona; zaasataraiti, kandi n'okundi oku barikwenda kubyeta, abavugi b'ebimotoka ebirikugyendera ahaiguru munonga omu kaabunga; obumanyiso oburikutiinisa, emitsitsa, omu myanya etari emwe, okuhoorera kw'enyanja, abantu kuahahaara emitima; obwire bw'okushoberwa, okushasha rwagati y'amahanga. Ebintu byona ebi Yaaraganiise, tureebire ebyo ebi enkumu z'engaro zihandiikire aha kisika. Tubireebire n'amaisho gaitu.

Nitureeba omu kanisa ei embabazi zigiire kubeeta. Nitureeba ei amaani goorekirwe n'ekibiina ky'Abapentekoote, okugaruka kureeta okubatizibwa kw'Omwovo Orikwera, Amaani. Kandi tureebire Amaani agarengire eby'obuhangwa gw'okwelyoreka kwa Yesu Kristo We wenka ayemereire rwagati yaitu omuriitwe, kandi naakora ebi Yaakozire omu kutandika. Ebirikujurira nibyo bimwe, byonyini!

44 Israeli neerugayo, nk'akamanyiso oku kiri ebiro ebi. Reeba eki Israeli yaabaire eine omu kuruga kwayo.

Ekintu eky'okubanza eki baabaire baine, kworekyera kimwe ngu obwire bukaba buhikire, kikaba kiri nabi oine obutumwa. Musa akashuma aine obutumwa. Ekigambo kya Ruhanga kikaba kiri na Musa.

Ekintu ekyakuratsireho, Musa akaba naateekwa kworekwa. Kandi akoorekwa n'Enyomyo y'Omuriro. Egyo ekooreka omurimo gwe, ngu Ruhanga akaba amutumire. Kandi Musa akaba aine Ekigambo kya Ruhanga, nangwa n'okuhanga ebintu kandi n'okubireeta omu nsi.

Kandi akamanyiso aku Ruhanga yaamuhaire, ahabw'eshagama, kukaba kuri okworekwa, nari obuhame, nimanyisa, ngu nibaija kuhingurwaho omu bwire bw'okufa.

Ekintu nikyo kimwe kibaireho ebiro ebi, ekintu nikyo kimwe. Ekigambo kya Ruhanga kitureeteirwe; Enyomyo y'Omuriro eri omuriitwe, neeyoreka Yesu Kristo ozookire omu bafu, otahinduka oku abaire ari nyomwebazyo, n'eriiizooba nikwo ari, kandi nikwo ariguma ebiro byona"; kandi n'okuhamba kw'Omwovo Orikwera omu mitima yaitu, okuta okukunda kwaitu ahari Ruhanga. Oku n'okuruga ogundi murundi.

45 Okurugayo kwa Israeli, nk'oku ngambire, n'eky'okworeka nk'oku Ekanisa erikurugayo, nari Omugore arikuruga omu kanisa. Omugore naija kuba obutaraakira, naija kuba ekibiina ekyo ekikye, ekyatoorainwe, ekyamanyirwe ira kitakabaireho.

Omukazi ku ayanjuruza omwenda, agutaho ekishushani, omuringo ogu arikuza kugusharamu, kandi aine omuringo gwe ogw'okucwamu. Kwonka ekirikutsigara ahari ekyo kishushani n'omwenda ogwo ogubaire guri omu kishushani, kwonka akakyeteerah kutwara eki. Akakyetebeekanisiza we wenka.

Ruhanga akakora ekintu nikyo kimwe. "Kandi oruzaaro rw'omukazi orwatsigaireho orwatsigirwe omu nsi." Ebiro ebi n'ebi'okweta Omugore kurugamu okuruga omu kanisa; okuruga; kuza omu kutwarwa. Ahakuba, buzima ekanisa neeraba omu bunaku bw'Okubonabona, nk'oku imwe ab'eishe-emwe b'Abapentekoote mukibuuriire. Ekyo ninkiikiriza. Ekanisa neekurabamu, kwonka atari Mugore. Ngaaha, sebo!

46 Omuntu omwe ekyo akaba naakigambaho naanye, enshumi nkye ehangwire, yaagira ati, "Ekanisa neija kuteekwa kukurabamu, ahabw'o-ababw'okushemezibwa."

Naagira nti, "Ago n'amazima, ahabw'okuba ekanga eshagama."

Kwonka obunaku bw'Okubonabona ku bwakukwata Omugore, Omukazi We Wenyine, omu Kubonabona? Ngaaha, sebo! Eshagama ya Yesu Kristo etusHEMEIZE kuruga omu kibi kyona, kandi tihariho kundi kushemeza. Kandi eshagama ya Yesu Kristo, kandi n'akamanyiso aki, nk'eky'okworeka ngu kishemeziibwe. Amiina. Ako niko Kamanyiso k'Omugore, ajwaire empeta.

47 Obuheereza bwa Musa, bwa Israeli, bakaba bari abantu be bakaba bateeraniire omu mwanya gumwe okushaba n'okuramya. Ebinto ebi obu byabaho, nk'oku abaire naashoma omwebazyo gw'eriizooba, babaire nibateekwa kuguma aha kandi bakarinda. Nikwo n'abateeraine ba Mukama abeeteeraine hamwe, okuruga omuri buri nyikiriza n'enyegeyesa y'ensi. Kikaruga omu bicweka byona bya Misri, okuza ahi baabaire bateeraniire omu mwanya gumwe.

48 Itwe hanu, nitubaasa, nitubaasa kushoma Abaheburaayo10:26, kandi tugireebe eshoboorokire kurungi munonga. Nk'oku turikureeba obumanyiso bukuru obw'aha muheru omu nsi, burikutuhabura ngu obwire buri haihi, tushemereire kukundana okukira oku turakundaineho omu biro by'amagara gaitu. Hashemereire kubaho enjara nyingi y'okuza omu kanisa! Hashemereire kubaho enjara nyingi ey'okuhikaanaho! Kishemereire kuba kiri ekikorwa kya rukundo.

Tindikubaasa kukyerererwa kuza Tucson. Oo, Ruhanga akatambira omukyara wangye mukye! N'ekicweka kyangye. Tindikubaasa kukyerererwa kuzayo! Eshaaha, nimbara ebiro n'eshaaha, obu ndaahikyeyo nkaba nawe.

Okwo nikwo Ekanisa eshemereire kuba. Kureeba ngu, Amaani ga Ruhanga, eki gatukoreire, tushemereire kuba nitubara obwire, nituhikaana hamwe omuri rukundo, ngu tubaase kuguruka, ekiro kimwe, kubugana Yesu.

49 Omuntu omwe akagira, enshumi nkye echingwire, akagira ati, "Ow'eishe-emwe Branham, nootiinisa abantu, orikugira ngu, 'Okwija kwa Mukama kuri haihi!"

Naagira nti, "Tibashemereire kwemereza emitima ahawb'ekyo. Ekyo kishemereire kuba ekintu ekirikusheemeza munonga eki turikumanya." Yee.

"Kandi Naija kureebeka omurundi gwa kabiri, ahari abo boona abarikukunda okureebeka Kwe," abarikukunda kandi bakayegomba. N'ekya rukundo. Kandi ka tushemereire kukundana, ahawb'okuba turi ab'eihanga rimwe omu mubiri nigwo gumwe! Tushemereire kugira rukundo, omwe na mugyenzi we.

50 Okutuhabura, obwire buhikire! Abaikiriza bashemereire kuba nibeetaanisa aha bintu by'ensi, emirabanamu y'ensi. Egyo niyo nshonga etuma naagambira kubi abakazi n'amaani, n'ebindi, omuringo ogu nkoziremu. Kandi, n'ahawb'ekyo, mwetaanise na zaapuroguraamu za TV ezi! Mwetaanise n'okubuurira kw'aheeru oku okwa Hollywood! Mugarukye aha kuhamya oku okutsimbire emizi n'obwesigwa! Nitwemerera aha kituuti, reero tugurukaguruka, kandi tusheka kandi tugambira ahaiguru, kandi tutwaza okutahikire, kandi n'abakazi bazinira ahansi, engoye ezi bajwaire zibakwatiire aha mubiri munonga, n'eb'yokwehunda by'obuguzi bwingi ebitari bimwe kandi ebintu nibireereeta, baine eishokye rishazirwe, kandi bamwe omuribo beesiigire erangi. Kandi baine omuriisa orikwetegyereza munonga aho, omubuurizi orikubaasa kutebeekanisa ekigambo gye munonga. Ekyo tikyo. Titurikwija ahari rutaari ya Ruhanga, nitusheka, nitutwaza kubi, n'okukora ebitarimu. Nitwija ahari rutaari, tuhamiize kimwe n'obwesigwa, ahawb'okuba aho nituba nitufa. Tokaataaha, omu kufa, noosheka kandi oshemereirwe, ebiteekateeko byawe byaba nibikora gye. Omushazi niwe okora ekyo.

51 Hanu saabiiti nkye ezhingwire, obu naabaire nindeeba-puroguraamu emwe, omu kitensheni kimwe ky'amajuta omu naabaire nyemereire, ah'ow'eishe-emwe mugyenzi waitu ow'amaani, Billy Graham, obu yaabaire naatandika okusisiimuka kw'amaani munonga oku yaabaire aine, nari akaba aine okusisiimuka okurukukirayo kuba okw'amaani omuri California. Nkaba nindeeba televijoni egi, ekaba neekwata enshusha y'abo abarikwija ahari rutaari. Abaana nibateerana entomi, kandi nibarwana, barikuza ahari rutaari, kandi nibasheka n'okukora ebitarimu, batahamize, nibanena switi gaama, barikureeba oku n'oku. Bataahiramu kimwe okwo kandi bagira ngu "eego," nibatura kandi bagaruka barugayo. Billy akagira ngu naabaasa kutunga abantu emitwaro eshatu omu bwire bw'omwaka gumwe, kandi obwo ataine na makumi ashatu. Tihariho kweheerayo kimwe. Tihakiriho kweheerayo kimwe bundi.

Abantu tibeetekateekire kwatura. Nibenda kushaba ngu, "Ruhanga, Iwe nkiza, kora eki, nari kora kiri, kora kiri." Kwonka kyahika aha kufa, n'okwatura ebibi byawe n'okuba gye na Ruhanga, tikikireebwa bundi. Egyo niyo nshonga tutakireeba okutambirwa okukira oku twine. Egyo niyo nshonga erikutuma naabuurira ebintu ebi. Ka tutebeekanise ebintu ahabwa saavisi y'okutambirwa. Oshemereire kubanza waatuma ebintu byakora. Ruhanga naakutambira ahawb'ekitiinisa Kye. Kandi tushemereire kwetebeekanisa ahawb'ekitiinisa Kye.

52 Hati ekyo nikyo Misri yaabaire neeteekwa kukora. Ijuka, bakagyeza omwana gw'entama okumara ebiro ikumi na bina. Misri . . . Akagira ati, "Oihe ebitashemeire byona omu nju yaawe. Ta buri, kitumbisa kyona aheeru."

Torikubaasa kugira ekitumbisa kyona. Akamanyiso aka ku karaije omu nju yaawe, Akamanyiso aka, torikubaasa kugira ekitumbisa omuri Ko. Egyo n'ensi. Torikubaasa kukunda ensi na mamona, ensi, obwire nibwo bumwe; emirabanamu y'ensi, emirabanamu yoona, n'enyeikiriza zaawe, n'okuteera empaka kwawe, kandi n'omutaano gwawe. Noija ahari Yesu Kristo!

53 Noobaasa kuteekateeka Omuyudaaya omu Ndagaano eya Ira, naashuma aine entama ye, okutamba ekitambo? Akaba naayorobera Yehova, eki Yaagambire Kumukorera. Ekyo kikagumizamu. Yaikiriza ekitambo. Yaareeba ekitambo nikifa. Engaro ze zikaba ziijuraho eshagama y'omwana gw'entama ogurikufa. Akaba agaruka omu ka aihirweho orurbanja, ahawb'okuba akaba ahamize. Ekyo kikaba kiri kirungi.

Kwonka ahanyima y'akaire kikaba omugyenko. Kandi omuntu akaba agira ati, "Noomanya, obu n'obwire bw'okuhingurwaho, ekirikukira tuyende tukore eki, kandi nshemereire kuhayo omwana gw'entaa." Gwaba omwanya ogu waabaire noobaasa kuguramu omwana gw'entaa, kutunga omuntu ondijo ow'okugimuheera nk'ekitambo. Kyaba enyikiriza. Kyaba ekigunjano omu kanisa. Kandi Ruhanga yaagira ngu ekihongwa kyonyini eki Yaabaire naayenda kikaba ekinuuko omu nyindo Ze, ahabw'okuba kikatambwa hataraho kweheerayo kimwe.

54 Kandi naitwe Abapentekoote turiyo nitutaaha omu kintu nikyo kimwe. Ekyo kihikire. Tuhweiremu ensha okuhitsya obu okweheerayo kimwe kuhweire, omuriitwe. Tutaahamu kandi tuyezaho kutaasyamu abantu omu kanisa, nk'oku ekanisa endijo erikukora, kutunga omutwe muhango gw'abantu, n'ebindi, omu makanisa gaitu. Ekyo titushemereire kukikora na kakye.

Tushemereire kugira okweheerayo kimwe, kandi aho tufeere kimwe buzima, kugira ngu Eshagama ya Yesu Kristo n'Akamanyiso bibone kutwijaho. Nikihindura omuntu omuntu ow'omutaano. Omukazi naabaasa kwimuka arugye aho kandi agyende, naayenda kworobera buri Kyahandiikirwe ekiri omuri Baiburi, atafiire aha kiraabeho kyona. Omushaija, nikyo kimwe; tihariho kibiina ky'ediini, tihariho nyikiriza nari ekindi kyona, ekirikubaasa kumutaanisa na rukundo ya Ruhanga ei yaaboneire aho ahari rutaari, ku araije kugumizamu naakuratira omuhanda gwa Mukama. Kwonka ebiro ebi titwehereireyo kimwe aharikyo, nitukitwara nk'omugyenko tuti, "Baatatenkuriitwe bakakora eki."

55 Nk'aha Kiro ky'Okusiima. Abantu baingi ebiro ebi tibakateekaga, emitwaro n'emitwaro okubazamu enkumi n'enkumi, kandi na zaamirioni z'Abanyamerika ebiro ebi nibarya kyakiro y'okujaguza okusiima, na senkoko aha meeza, kandi batakihe omugisha na kakye, batasiimire. Kwonka tibakaagizire eki bataine kiri. Aha meeza emwe ahu baabaire baine senkoko, kimwe kya kana kya wisiki n'amaarwa maingi geetoroire emeeza. Guhindukire omugyenko.

Nimugira muti, "Ekyo tikiri kya burijjo. Egyo nangwa ti ntwaza y'Amerika."

Ninza kukigarurira kimwe omu bujunaanizibwa bwawe. Okwija ahari rutaari kweteisa n'amaisho goomire n'omugyenko. Oshemereire kufeera aho n'Ekihongwa kyawe, obwo nooyeyoreka ku ofiire. Amiina. Oziikirwe omuri Kristo, e-ensi efiire enyima yaawe. Kandi oshemereire kugyendera omu magara masya omuri Kristo Yesu, omu kuzooka Kwe, nookunda Ekigambo Kye, nookwata Ekigambo Kye, Orikumureeba naayeyoreka We wenka omu Kigambo Kye, obwo naakumanyisa ku orugire omu kufa okataaha omu magara. Ni bwire ki obu tutwiremu! Eego, sebo.

56 Hati nitureeba ngu turi omu shaaha ey'aha muheru, abaikiriza nibateekwa kwikiriza Ekigambo kyona.

Yetegyereze, kikaba kitari okweteerana hamwe kwonka kandi mukakigambaho, ngu Abayudaaya boona bateeranire hamwe reero bagire bati, "Hati ka mbagambire, mbagambire, bagyenzi bangye. Nimumanya, niinyikiriza ngu Musa ahikire, ahabw'okuba, reeba, nitureeba Ruhanga Naayeyoreka na Musa. Ahabw'okuba, nitureeba Enyomyo y'Omuriro egyo, nitumanya ekirikubaho. Nitumanya okweyoreka kwona oku Ruhanga yaayeyorekire na Musa. Kuhikire. Nimumanya, akagira ngu, 'Nituteekwa kuta eshagama aha rwigi.' Ekyo ninkiikiriza. Kwonka, nimumanya, nabwo, niinyikiriza ngu ndi nk'ondijo weena. Ndi-ndi-ndi-buzima Omuyudaaya w'Endagaano. Nkasharwa kandi nimpa emitijo yangye na kimwe kya ikumi omu kuteerana kw'abantu. Ahabw'enki, nangwa n'omunyamurwa, ndya nawe kyakiro. Mbwenu, naanye ndi omuntu nkaimwe." Ekyo tikyo kyabaireho.

57 Titushemereire kwija tukeeteerana hamwe kugamba aha Butumwa. Nitweteerana hamwe kutaaha omu Butumwa. Kandi Obutumwa ni Kristo, Niwe Kigambo. Ekyo kihikire. Turi ab'Okubutaahamu, kuza aha ntango Yaabwo. Eego, sebo. Ekyo nikyo tushemereire kukora.

Akaba ataine bujunaanizibwa aha muntu owaabaire atari ahansi y'eshagama, tihariho n'omwe; n'obu yaabaire ari oha, akaba atamwineho bujunaanizibwa. Akaba atashemereire kugyenda wenka kureka n'eka ye yoona. Bakaba barindwa a-akamanyiso ku kaabaire koorekwa kwonka.

Titurikubaasa kwehurira turinzirwe okuhitsya obu Akamanyiso aka karikworekwa. Ekyo kihikire. Nooteekwa kuza ahansi y'Akamanyiso aka, Omwoyo Orirkwera wa Ruhanga. Kandi naakworeka Yesu Kristo, ahabw'okuba Naija kandi atuura omuriwie.

58 Nk'oku ngambire ekiro ekihingwire, kandi-kandi eruguru omuri New York, omu Butumwa bumwe. Ku-na ku naakukugambira ngu Shakespeare naatuura omuriinye, nkaakozire emirimo ya Shakespeare. Habw'okuba, tinkaabaasize kukyezibira, tiinye bundi, nkafa. Shakespeare naanye titubaasa kutuura hamwe hanu. Shakespeare akaba ari omuhimbi, kandi nyowe ndi omuheereza, titurikubaasa kutuura hamwe. Kwonka naaba nfiire, obwo, kandi Shakespeare arikutuura omuriinye, ninkora emirimo ya Shakespeare. Amagara ga Shakespeare omuriinye nigaija kutuurwa nk'aga Shakespeare. Amagara ga Beethoven ku gaakubaire gari omuriinye, nkaabaire Beethoven. Amagara ga John Dillinger ku gaakubaire gari omuriinye, nkaabaire John Dillinger. Ekyo kihikire.

59 Kandi Amagara ga Yesu Kristo ku gaakubaire gaatwire omu muntu, niboorekwa Nawe. Ni Kristo omuriwie. Atari memba w'ekanisa, etari ntwaza, kureka Amaani g'okuzooka. N'Omwoyo Orirkwera, n'Akamanyiso ahariiwe, kugira ngu amagara gaawe gagire ngu "amiina" ahari buri Kyahandiikirwe. Okuragaanisibwa kuhandiikirwemu

aho.

Kandi tokiriiwe bundi. Ori owa Kristo. Torikuteekateeka ebiteekateeko byawe. Torikuteekateeka ebiteekateeko byawe, oti, "Nintekateeka." Toine ekiteekateeko ekirikwija. Amagara agaabaire gari omuri Kristo gari omuriyiwe. Omutima ogwabaire guri omuri Kristo guri omuriyiwe. Emirimo eyaabaire eri omuri Kristo eri omuriyiwe, kandi Kristo We wenka ari omuriyiwe. Okafa; amagara gaawe gasherekirwe na Ruhanga omuri Kristo, gaakomerwamu n'akamanyiso k'Omwoyo Orikwera. Torikwetegyeka.

60 Toine bujunaaniziba aha muntu ondijo weena. Eka yoona neeteekwa kuteebwamu, kandi akamanyiso nikateekwa kuteebwaho. Kakaba nikateekwa kuteebwaho. Ku kaabaire kaba katatairweho, obwo kakaba kataine mugasho. Okaba noobaasa kukaikirizamu, ogira oti, "Oo, ee, ninkiikiriza." Kwonka ekyo kikaba kitari kukikora. Kyo, noogira oti, "Mbwenu, ninza kukugambira eki ndaakore. Ninza kugita omu baketi, reero ngite aha kisiika. Kwonka buzima, nintekateeka, kasita mba-ngiine hanu, ku ndaabe nyine eshagama hanu." Ngaaha, sebo.

Torikubaasa Kukashereka. Ngaaha, sebo. Nooteekwa kukagira! Nooteekwa Kukagira koorekirwe. Ekyo nikyo kyabaire kiri ekigyendererwa eky'okukata aha nyigi, kugira ngu Akareebe aha kisasi n'aha biti by'emiryango. N'ekintu ekitari kukukwatsa enshoni. Nooyenda ngu ensi yoona emanye ngu okafa, kandi amagara gaawe gasherekirwe na Ruhanga omuri Kristo.

61 Gamba aha Kiro Ky'okusiima, ninkugambira, ti mugyenko, na kakye. Twine emigyenco mingi hati. Eki turikwetenga eriizooba n'okugarurwa busya, okubatiziba kw'Omwoyo Orikwera okugaruka omu kanisa; kutari kujaguza, kureka okwijuzibwa. Reero ekyo nikyo kishemereire kuba Ekiro kyaitu ky'okujaguza kw'Okusiima, nk'oku twakukyetsire. Ashemereire kuba ari Omwoyo Orikwera arikwija omu magara gaitu. Kuri turikurya senkoko nk'oku baatatenkuriitwe baaziriire, tushemereire kuheebwa Omwoyo Orikwera nk'oku baatatenkuriitwe baabaire bamwine. Amiina. Gutari mugyenko, kureka ekiragiro ekirikuruga ahari Ruhanga. Tushemereire kumuheebwa.

62 Reeba Joshua, kandi imwe mushome Joshua, eshuura ya 2. Mpandiikire hanu nti, "Kishome." Tiinyine bwire. Kwonka niinyenda ngu mumanye, obu Musa na Joshua baabaire bari omu rugyendo okurabira omu ihamba, bari omu kuruga, bakatuma abaheereza, entatsi, okugyenda kutata ensi. Kandi oijukye, hakaba hariyo Omunyamahanga eseeri y'omugyera, orikwetwa Rahabu. Akaba ari maraaya. Omwana enshoberwa akaba ari orikwetunda aha nguuto, obundi abingirwe ab'eka yaabo. Kwonka nitushanga ngu ku . . . Akareeba abashaija abo kandi yaamanya ngu bakaba bari abashaija ba Ruhanga. Akaba ari maraaya, kandi akaba naayenda kumanya ku araabe yaabaire naabaasa kugirirwa embabazi.

Ruhanga agirira embabazi abo abashaba embabazi. Abo boona abashaba embabazi baryagirirwa embabazi.

63 Yetegyereze maraaya ogu, akagira ati, "Ninza kugira embabazi." Reeba, akaba atarikwetenga kureeba Joshua. Akaba atarikumanya omuringo ogu yaabaire ateeramu eishokye rye, ebijwaro ebi yaabaire ajwara. Akagira ati, "Mpuriire ngu Ruhanga ari hamwe naimwe." Ekyo kyonka nikyo yaabaire naayenda kumanya.

Kandi ninkugambira, eriizooba, ow'eishe-emwe, tikiri nk'oku oteera eishokye ryawe, nari eki orikukora, nari ni bijwaro ki ebi ojwara, nari ekika kya Ph.D. ei oine. "Mpuriire ngu Ruhanga ari omuriimwe," ekyo nikyo kintu kikuru. Nitwenda kumanya ahu Ruhanga ari omuri eki.

64 Reeba ebibiina by'amadiini. Reeba ei birikuza. Ruhanga ari omu bibiina by'amadiini? Ku araabe abirimu, nikimanyisa ngu naabyebembera gye kuza omu Rukiiko rw'Amakanisa, kandi n'okubagarura omu kamanyiso k'enyamaishwa. Ruhanga tari omuri ekyo.

Ruhanga ari omu Kigambo Kye, ahakuba niwe Kigambo. Nikwo buzima. "Mpuriire." Kandi okwikiriza tikuruga omu kuhurira orukiiko, kureka Ekigambo. Okuhurira Ekigambo!

Bakareeba eki, kandi baamanya. Akamanya ngu gakaba gari amazima. Yaashaba okugirirwa embabazi, reeba, we n'eka yaabo. Akeeshabira we n'eka yaabo, nk'oku baakozire omuri Misri.

65 Kandi yetegyereze, akaheebwa akamanyiso, akamanyiso akarikutukura. Akagoye ako akarikutukura aku yaashuumizeho abantu, entatsi, okushuuma ahansi okurabira omu dirisa, kakaba kari akamanyiso. Ruhanga akaba atarikubaasa, maraika orikuhwerekyereza . . . maraika wa Ruhanga w'orufu akaba atarikubaasa kumwirira haihi ku yaabaire aba aine akamanyiso ako. Kwonka, mbwenu shi ku yaakugizire ati, "Oo, nkabashuumya. Nkozire-nkozire ekikorwa kirungi. N'ahabw'ekyo hati okuzibira omuntu weena kutangambaho kubi, n'okureeba akagoye aka akarikutukura nikareereetera aha, ninza kukurura akagoye nkagarure ahaiguru"? Reero e . . . maraika w'okucwa orurbanja akaba atirikwija kuhingura aha nju ye na kakye. Akaba naateekwa kugira akamanyiso koorekirwe. Kakaba nikateekwa kugumaho.

Haleluya! Oo, nikimanyisa "himbisa Ruhanga waitu," omu shaaha ezi. Ijuka eki. Tindi hanu kusherura eky'okumbaisaho. Tindi hanu kubuurira ahabw'okusherura eky'okumbaisaho. Ngaaha, sebo. Ekyo nimbaasa kukora nkitungye, nabwo. Tindikukora eki ahabw'ekyo. Ku naakuteekateekire ngu hariho omuhanda ogundi gutari ogu hanu . . . Ijuka, ogu niinye, nintekwa kubugana Ruhanga. N'omwoyo gwangye. Naateekwa kuba nyowe. Tiinye nyenka, kureka niinyija kucwerwa orurbanja rw'amaani. Ekigambo kya Ruhanga ni Ruhanga. Egi

n'entebeekanisa ya Ruhanga eri aho, kandi nigo Mazima.

Niinyikiriza ngu akahuuzi akarikutukura kakaba nikateekwa kworekwa, kitari kityo maraika, maraika orikucwekyereza, takaabaasize kuha kitinisa ekintu kyona na kakye kureka akamanyiso ako kaayorekwa. Entumwa zikamuha akamanyiso, kandi naateekwa kuguma akoorekire.

66 Yetegyereze, Yeriko ekaba yaahurire eki Ruhanga yaabaire yaakozire, kwonka terafiire aha kuraburwa.

Ensi ekiro eki, tekingiirwe aha rubaju ahantu nanka, ensi yoona neemanya ebintu ebi ku nibigyenda omu maisho. Ensi yoona yaabimanyire. Abapisikopi, Abakaturiki, aba Luteeri, ebigombe by'amadiini byona nibimanya ngu hariho Ruhanga orikukorera omu Kigambo Kye omu biro ebi, kandi naarinda obumanyiso Bwe n'eb'yokutangaaza nibigyenda omumaisho. Tikisherekirwe omu nshonda. Bakakihurira. Kwonka tibarenzire Kukitunga. Bakakihurira.

Amaani Ge maingi munonga n'obumanyiso Bwe bukaba bwakozirwe, bwayorekirwe, kwonka bakaba batarikwenda Kukyakiira. Nk'oku byabaire omuri Sodoma, obumanyiso Bwe bukuru n'eb'yokutangaaza bikaba byorekirweyo, kwonka tibarenzire kubyakiira. N'ahabw'ekyo tihaine ekyabaire kitsigaire kureka okucwerwa orurbanja, nikwo kwabaire nikukurataho. Nibateekwa kwikiriza Ekigambo kyona, okwerinda. Kwonka bakateekateeka ngu barinzirwe, obundi, omu bigombe byabo eby'amaanibihango bya Yeriko, orurembo rwabo. Bakateekateeka ngu ekyo kikaba kiri kirungi ekirikugasha, kwonka tikwo kyabaire kiri.

Kwonka maraaya omwe mukye. Nihateekwa kuba haabaire hariyo aboojo bamwe abaine entambi ezirikukwata amaraka abaashensheiremu kandi baateera entambi ezirikukwata amaraka. E-embibo eyaamanyirwe ira etakabaireho ekakikwata kandi yaakiikiriza. N'ahabw'ekyo, oku biri kwona, bakataahamu ahawb'obutumwa. Baagira ekanisa ekiro ekyo omu nju ye. Akakozesa enju ye nk'ekanisa, okwakiira obutumwa.

67 Oo Ruhanga, ka twigure emitima yaitu kandi twakiire Obutumwa, ngu Yesu n'ohuriire ekiro eki. Ari aha honyini omuriitwe. N'otahinduka oku abaire ari nyomwebazyo, n'eriizooba nikwo ari, kandi nikwo ariguma ebiro byona. Igura enju yaawe kandi oikirize Entumwa, Omwoyo Orikwera, ataahemu reero akworekye n'Okubaho Kwe, Akamanyiso akakuriho. Bwanyima torikwija kutwara ekigambo ky'ondijo muntu ahabwako, We ariho aho okwegambira We wenka. Kandi We n'Ekigambo. Ekyo kihikire. N'Akamanyiso ka Ruhanga, kweyoreka We wenka.

Akakozesa enju ye ahawb'entumwa. Bwanyima yaareetera orurembo rwona, abaabaire nibabaasa kwikiriza, kuza ahansi y'akamanyiso ako.

Kandi okwo ekanisa eshemereire kuba neekora ebiro ebi, kureeta ekintu kyona ekirikwija kwikiriza, ahansi y'akamanyiso. Akamanyiso n'Omwoyo Orikwera. Ijuka, nibateekwa kuza ahansi y'Omwoyo Orikwera.

68 Kandi Ruhanga ku yaahwerekyereize baamaraike be . . . Maraika orikuhwerekyereza akarabamu, kandi ku baareebire akabonero k'akamanyiso, enju ye yaagumaho. Ekipweka ekindi kya Yeriko kikawa. Kwonka ahawb'okuteera enzamba kwonka, kiteekateekyeho, reero ebisiika byona byagwa ahansi. Bakagyendera kimwe kandi baitira kimwe buri kintu kyona ekyabaire kirimu, kwonka boona abaabaire bari ahansi y'akamanyiso bakaba barinzirwe. Ahabw'enki? Entumwa ya Ruhanga ekaba yaizire. Bakaba babagambiire amazima kandi baaza ahansi y'akamanyiso. Eego, sebo. Kwonka baingi omuribo bakaba batarikwenda kukaikiriza. N'ahabw'ekyo ku baraabe baabaire batarikwenda kukiikiriza, bikaba nibiteekwa kubabaho.

Amagara nigo gamwe agaabaire gari omu kamanyiso omuri Misri, mwareeba, amagara, ekintu nikyo kimwe nk'amagara g'akamanyiso omuri Misri.

69 Ku baashuumize akagoye ahansi, ako kakaba kari akamanyiso. Omuri egoye nsi y'Abanyamahanga, hakaba hatariho shagma eyaabateereirweho, kureka bakaha ekirikushushaniriza ekirikutukura, ky'akamanyiso. N'ahabw'ekyo, ku baareebire akamanyiso; Joshua, orikushushaniriza Yesu, akaba ow'amazima aha kamanyiso n'aha kamanyiso ak'entumwa ze zaabuuriire, obu Joshua yaaha ekiragiro ngu hatagira owainamuka kuza omuri egoye nju ahu akamanyiso ako kaabaire kari (ngaaha, sebo), ahawb'okuba tihariho n'omwe owaabaire ari ow'okwitwa ahansi y'akamanyiso ako. Kandi buzima Joshua nirimanya "Yehova Omujuni," nk'oku Yesu akora. Kandi ku yaatumire entumwa ze, Joshua, ekirikushushaniriza ekindi eky'ensi y'Abanyamahanga, kandi n'Abanyamahanga, abo abakteeabaikiriize kandi baakooreka akamanyiso aka, na maraika orikuhwerekyereza akamanya akamanyiso ako. Mwareeba?

Ekyo nikyo kintu kyonka eki Araije kumanya ekiro eki.

70 Taramanyire purezidenti wa kampuni egoye. Ngaaha. Taramanyire orikukurira abashaija, abeebembezi b'abaserukare, omuntu mukuru. Tarabamanyire na kakye. Akareeba ahu akamanyiso kaatairwe. Baingi omuribo nibabaasa kuba baakiikiriize. Baingi omuribo nibabaasa kuba baikiriize ngu nibaza kutwarwa, kwonka ekyo tikiraakiziibire. Akamanyiso kakaba nikateekwa kworekwa. Eego, sebo. Nikyo ekyo. Boona abaabaire bari ahansi yaako bakajunwa, omuri Misri. Kandi obwire nibwo bumwe, boona abaabaire bari ahansi yaako bakajunwa omuri Yeriko.

71 Omwana gw'Entaama ogwijwireho eshagama nigwo Kamanyiso kaitu ekiro eki. Omu Baheburaayo 13:10 na

20, neeyetwa "endagaano etarihwaho," ku muraabe nimwenda kukishoma. Okuragaanisa kwa Ruhanga okukomirwe n'Eshagama kukatukomoorora kuruga omu kibi n'omu mubiri. N'endagaano etarihwaho, Okumuramya kandi n'okworeka obumanyiso Bwe obwaragaanisiibwe. Endagaano Ensyा n'endagaano nsya omu Shagama Ye. Baiburi nikwo yaagizire. Endagaano Ensyा neemanyisa "endagaano nsya," Amagara g'Eshagama, Akamanyiso k'Amagara masya omuriitwe. Ahu eshagama eya ira yaayemerereire akamanyiso akanguhi k'ebikozire eshagama ngu omwana gw'entaama gukaba gufiire, Omwoyo Orikwera niwe Magara agaabaire gari omu Muntu Yesu Kristo agoorekirwe omuriwe naanye, ekiro eki. Kitari kityo, tihariho mbabazi. "Ku ndireeba eshagama yonka, Ndyabahinguraho."

72 Ningyezaho kumigisiriza ebiteekateeko byawe, munywani, ngu eshaaha yaahikire, ngu ekintu nikiteekwa kukorwa nakyo. Nituteekwa kugira ekintu eki twakora. N'okuba omunda nari aheeru. Nikyo ekyo kyonka. Eshaaha yaahikire ei Akamanyiso karikuteekwa kubaho. Eki ku kiraabe kira . . . ekanisa egi ku eraabe neeyenda kuguma ehuriire okuhitsya obu Yesu Kristo araije, Akamanyiso nikateekwa kubaho. Nikyo ekyo kyonka. Rufu ku eraabe etakikozire, nikija kukorwa akamanyiso ka rufu. Kandi juba, kiri omu ishengyero hati hati, ekyoma kihango ekitairweho kureetera amakanisa goona kuza omuri okwo kweteerana kw'amakanisa.

Kandi buzima ekirikukira okaagizire Akamanyiso nikamurinkana. Kwonka eshaaha yaahikire ey'okuruga. Kandi obwire obu nituza omu Nsi eyaaragaanisiibwe, okuraagaanisibwa kw'Amagara Agatahwaho. Akamanyiso aka nikooreka ngu Yesu Kristo . . . Omwoyo Orikwera naatworeka ngu Yesu ahairesyo buri kirikwetaagisa ababwaitu, ngu turi, omu buhangwa bwaitu, abaana ba Ruhanga abaagwire. Kandi titwine maani omuriitwe. Titwine Magara omuriitwe. Turi oruganda rw'abantu abaagwire, okuruga ahari Adamu. Kwonka twayoreka Akamanyiso, ngu Ekigambo naitwe tube ekintu kimwe, nikyoreka ngu Yesu Kristo akahayo ebirikwetaagisa ababw'ekibi kyaitu n'okufa, kandi ayorekire Akamanyiso Ke omuriitwe. Oo, ka nikibaasa kwanguha! Osingirwe orurbanja. Twena tukasingwa orurbanja. Tihariho omuringo gwona ogw'okwejuna, reero Ruhanga yaatwoherereza Akamanyiso. Yaita Omwana We ahari Gologosa, ababwaitu. Kandi amagara agaabaire gari omu Shagama egyo, obu Yaasheesheka ahari Gologosa, gagarukire kuba Akamanyiso ahariitwe.

73 Akamanyiso ka Ruhanga, Akatahwaho, n'Amagara Agatahwaho ababwa Ruhanga Otahwaho. Kandi ekintu kyona ekyagizire obutandikiro kiine omuheru, kandi buri kintu kikaba kiine obutandikiro kureka Ruhanga. Kandi Ruhanga niwe muringo gwonka gw'Amagara Agatahwaho oguriho. Kandi Ruhanga ku ata Omwoyo Orikwera We omuriwe, niwe Ruhanga, kandi Ruhanga ku aza omuriwe, ori Otahwaho nk'oku Ruhanga ari. Ahabw'okuba, ori ekicweka Kye, ahakuba nooba mutabani nari muhara wa Ruhanga kandi nooyoreka Ekigambo Kye. Haleluya! Naahurira naakyamukirira. Ago n'amazima. Ruhanga naakyoreka, We wenka. Waatunga Amagara Agatahwaho, kandi ogwo ni Ruhanga omuriwe. Kandi Ekigambo eki ni Ruhanga. Kandi Ekigambo ekyo nikigumaho kandi kyezaara. Buzima kwo nk'eki Ruhanga ataireho ababw'obusingye obu, mukiine, amiina, Omwoyo Orikwera, Omwoyo Orikwera ayorekirwe. Eego, sebo. Ni ki? Omwoyo Orikwera, Ekigambo kihairwe amagara ababwawe n'Omwoyo Orikwera, okuhanya obusingye obu, ngu oherize kuruga omu kufa waataaha omu magara.

74 Kandi hati ori Owe. Oo, ababw'okuba ariho, twine obugabe ahari byona ebi Yaatuguriire. Buri kuragaanisa kwona okuri omuri Baiburi n'okwawe. N'okwawe, Akamanyiso aka ku karaabe kari ahariiwe kandi Ruhanga akutaireho akamanyiso. Hati nitwenda kweshwijuma kumara akaanya kakye. Ruhanga ku arikuheza kukuha okubatizibwa kw'Omwoyo Orikwera okw'amazima, obwo Amagara ga Yesu Kristo gari omuriwe. Hati, ago n'amazima, kandi buri otendekirwe eby'ediini naateekwa kwikiriza ekyo. Ahariinye n'o-n'Okuzaarwa busya. Noozaarwa busya, n'Omwoyo Orikwera. Kandi ababw'okuba ngu Ruhanga akozire eki, kandi noomanya ngu omuriwe tiharimu karungi koona, kandi noikiriza eki Ruhanga akozire, obwo Naakutaho akamanyiso akutaasye omu Bukama Bwe, n'Omwoyo Orikwera. Kandi buri kintu eki Yesu yaaguzire kandi akakuragaanisa, omuri Baiburi, n'ekyawe. N'ekintu kyawe ababw'okuba kishashuriirwe. Amiina. Amagara n'agangye; Akagashashurira. Amagara n'agaawe; Akagashashurira. Okutambirwa n'okwangye; Akakushashurira. Okutambirwa n'okwawe; Akakushashurira. Obusingye n'obwangye; Akakushashurira. Eiguru n'eryangye; Akarishashurira. Ashashwire omuhendo. Buri kintu eki yaaguzire n'eky'omuntu oine Akamanyiso. Amiina. "Hinguza Akamanyiso Kangye," aha motoka y'omu ruguuto rw'omu rurembo, "aha Kiro ekyo eky'Orurbanja, haza ndyakuwinguraho." Amiina. Nookahamizamu! Noohamiza okwatura kwawe omu Kigambo, ngu Yesu Kristo akakufeera. Kandi ku arikukikora, Naayeyorekyera omuriwe. Amiina. Eego. Waayetegyereza Akamanyiso, Amagara agu kyatwaire Eshagama kugamba!

75 Noija kugira oti, "Eshagama kugamba? Rindaho edakiika, Ow'eishe-emwe Branham!" Eshagama egamba. Baiburi neegamba ngu neekikora. Ni kirungi.

Eshagama egamba. Ijuka, endagaano y'Eshagama terikumanywa hatariho Akamanyiso. Hati Ekigambo nituhamiza okuragaanisibwa. Akamanyiso n'akabonero ngu okugura kwaherize kutukorerwa, kandi na Ruhanga yaakwikiriza.

Ku oraagyende okagira oti, "Niinyenda ku-kutemba kuza omu Rurembo rwa New York." Nibakora ki? Nibakura etikit. Niki? N'akamanyiso. Tiziri sente. N'akamanyiso, kwonka nikyetaagisa sente kukagura.

76 Hati, ku oraayende Amagara Agatahwaho, yaakiira Akamanyiso, karikworeka ngu omuhendo gushashwirwe. Teri Shagama, kureka n'Akamanyiso k'Eshagama. Niko Magara Ko konka. Amiina. Okworobera Ekigambo kyona

kya Ruhanga okwijiwire, okworobera Ekigambo kya Ruhanga kyona, nikikuhaisa Akamanyiso aka.

Nookikora ota? Petero akagira, aha Kiro kya Pentekoote ati, "Mweteise, mwena mubatizibwe omu Iziina rya Yesu Kristo, mubone kusaasirwa ebibi byanyu, kandi nimwija kuheebwa ekiconco ky'Omwoyo Orikwera, Akamanyiso. Ahakuba okuraganisibwa oku n'okwanyu, n'okw'abaana baanyu, n'okwa boona abari hare, omuntu weena oryeta Mukama Ruhanga waitu."

77 Ku baareebire okworekwa kw'okutangaaza okwo okw'Amaani g'okuzooka, we (Petero) akaimuka aho yaajuriza Ebyahandiikirwe bya Yoeli, n'ebindi, yaaha okuragaanisa kw'obusingye obwo, kandi yaayoreka ngu ebirikwetaagisibwa by'obusingye obwo ku byabaire bihikiiriziibwe omuri Yesu Kristo, kandi ngu Akaba ayohereize Akamanyiso k'okufa Kwe. Kandi Akamanyiso ako kakaba kabariho. Kandi Yaagira ati, "Akamanyiso n'akaanyu, n'abaana baanyu, n'aka boona abari hare, omuntu weena oryeta Mukama Ruhanga waitu, naateekwa kwija kugira Akamanyiso aka." Amiina. Tikugira ngu "nibabaasa" Kukagira. "Baryakagira! Oryaheebwa Omwoyo Orikwera."

78 Ku orikworobera Ekigambo kya Ruhanga omu bwijiwire, omu-omu kweheerayo kimwe Aharikyo, nikikuhaisa Akamanyiso. Eego, sebo. Okworoba! "T'ogwo ogira ati, 'Mukama, Mukama,' kureka ogwo okora okukunda Kwe." Kandi twashaba, nituteekwa kugira Akamanyiso k'okuhayo n'eshaara yaitu.

Buzima kwo nk'oku tukora ku tuza omu-omu mwanya gw'okurindiramu baasi, oti, "Niinyenda kutemba."

"Nooza hi?"

"Oku n'oku!"

Nooteekwa kugira Akamanyiso, ku karaabe nikeetengwa. Nooteekwa kugira Akamanyiso. Noogira oti, "Mbwenu, rindaho edakiika emwe, niinye-niinye Omw. Jones! Hati ka . . ." Ekyo tikirikureetaho ntaaniso yoona, nooteekwa kugira akamanyiso. "Mbwenu, mbagambire ki, nyine-nyine obwira kuza aha murimo gwangye. Tinyine bwire bw'okuzaana." Noija kugira akamanyiso nari otarikagira. Ku oraabe otaine kamanyiso, torikwija kutemba.

Ku oraabe oine tikiti kandi okaza aheeru aha omu nyonyi, kandi okagira oti, "Niinyenda kuza omu Rurembo rwa New York."

"Tikiti? Akamanyiso?"

Noogira oti, "Mbwenu, ni-ni-ninza kukugambira, ti nkaine. Ndi nk'omuntu oboneire murungi. Niinyija kukushashura ekindi kiro." Ngaaha, sebo, gira akamanyiso, nooteekwa kukagira omu ngaro zaawe. Nikateekwa kworekwa. Nikateekwa kworekwa. Oo!

Nimureeba eki ndikumanyisa? Nooteekwa kukagira! Toshemereire kuteekateeka otyo kwonka; nikateekwa kuba Akamanyiso akoorekirwe. Ni kirungi. Nikakuha obushoborozi, ku orikushashura e . . . ku oraikirize omuhendo ogushashwirwe. Eego, sebo.

79 Paulo naatugambira, arikugamba aha kugamba kw'eshagama, Paulo naatugambira ngu eshagama neegamba. Nimwikiriza ngu eshagama neegamba? Omu kitabo ky'Okutandika 4:1, nari 4:10, Ruhanga akagambira Kaini, Yaagira ati, "Murumuna waawe arahi?" Yaagira ati, "Eshagama ye; eiraka-eiraka rye . . . Eshagama ye, eiraka ry'eshagama ye nirimpururiza omu itaka."

Hati nabwo nitushanga omu Baheburaayo, eshuura 12 n'omushororongo gwa 24, ngu Endagaano Ensy, Eshagama neegamba ebirungi. Eshagama neegamba. N'ahabw'ekyo Eshagama eine Eiraka. Kandi Eiraka ry'Eshagama n'Ekigambo. Haleluya. Ekyo nikyo kirikukikora ekihikire nari ekigwire. E-Ekigambo nikyorekwa ahawb'Eiraka ry'Eshagama. Eiraka ry'Eshagama n'Omwoyo Orikwera. Aha Amagara. N'Amagara, kandi Aha Amagara Ekigambo kandi Akihindura Ekihuriire. Amiina, amiina.

80 Buzima, Eshagama neegamba, neegamba ebirungi okukiraho. Endagaano eya Ira, eshagama ekaba egamba okucwerwa orurbanja. Omu Ndagaano Ensy, Neegamba obucunguzi. Omu Ndagaano eya Ira, ekaba egamba okufa n'obusaasi. Omu Ndagaano Ensy, Neegamba okuzooka n'Amagara. Egamba okutamba. Egamba okushemererwa. Egamba Amaani. Egamba Amagara. Egamba Eiguru. Kandi Eshagama egyo emwe eyaasheeshekire aha itaka, eyaayetsire mwene ishe ofiire, nari kweta mwene ishe owaabaire yaamwita. Eshagama ya Yesu Kristo neeshweka ebibi byaitu byona, kandi egamba obusingye n'okuzooka, n'Amaani n'Amagara, n'okutamba. Kandi n'emigisha yoona y'obucunguzi ei Eshagama yaasheeshekire, Neetugambirira. Buzima, Eshagama neegamba. Oo, mugyenzi!

81 Nituteekwa kweikiririza, nk'oku baakozire eifo okwo omuri Misri, kandi nabwo n'okwiririza eka, nk'oku baakozire omuri Misri n'omuri Yeriko, n'ebindi nk'ebyo. Kandi nitushanga, nyine Ekyahandiikirwe ekihandiikirwe hanu, ekirkwetwa Ebyakozirwe 16:31, ahu omukuru w'abaserukare Omurooma yaabaire naayenda kweita, kandi akaba naaza kwerezya akafa, reero Paulo yaamugambira ati, "Ikiriza Mukama Yesu Kristo, kandi noija kujunwa iwe n'eka yaawe." Neeteekwa kuba eka yoona. Ekitumire abaana bato baingi munonga . . . N'enki ekireetera abakazi baingi aha nguuto z'omu ndembo? N'enki ekirkureeta abaana b'emihiri baingi munonga? Ahabw'okuba

titurikubaasa kuta eka yaitu ahansi y'Eshagama.

82 Abantu bamwe bakagira bati, "Mpaho, ndi memba w'ekanisa. Maawe akaba naateeranira eruguru okwo, kandi niyo na-na-na-naahongyeirwe Mukama, nkiri omwerefere."

Nooteekwa kworeka muranga Akamanyiso. Eego, sebo. Shohoza aheeru kasasiro yoona y'ensi, ebintu byona by'ensi, 'habw'okuba torikubaasa kukunda ebintu by'ensi, obutakiriza bwave bwona omu Kigambo kya Ruhanga. Ijuka, Akaragaanisa ebintu ebi omu biro by'aha muheru. Ekintu kyona omu magara gaawe, e-ekirikuhanisa Ekyo, kishohozze aheeru, reero oyeteekateekye otaasyemu Akamanyiso. Bwanyima kozesa Akamanyiso, omu kushaba, n'okwehayo ahari Mukama, reero oikirize kandi okiteeho omutima.

83 Ku twakubaasa kushoma hanu, Abaefeso 2:12, kikaabaasa kutukangaranisa. Mwetegyereze, "kuheereza Ruhanga ohuriire," n'obumanyiso obuhuriire, ebyateirweho ebihuriire. Abaheburaayo 9:11-14, etugambira ekintu nikyo kimwe. Kandi ti-titurikuheereza ebintu ebifiire (titurikukikora) nari Omwanya ogurikwera. Nituheereza Ruhanga ohuriire, n'obumanyiso obuhuriire.

Ti, "Ninza aha kanisa. Nkeegaitaho. Nimmanya enyikiriza y'ediini. Ni-nimmanya katikisimu." Egyo n'emigyenzo efiire.

Kwonka Akamanyiso akahikire k'Eshagama, nikagamba, kagamba Okubaho, kwa Yesu Kristo, ozookire ahuriire, otahinduka oku abaire ari nyomwabazyo, n'eri izooba nikwo ari, kandi nikwo ariguma ebiro byona; kihikire, n'oriho ahuriire hati omuriitwe. Amiina. "Egamba ebirungi kukiraho." Ti kuruga omu migyenzu efiire n'enyikiriza z'amadiini, kureka Akamanyiso akahuriire ka Kristo ozookire ohuriire otuura omuriitwe. Ngaaha, nibahakana ngu tihariho kintu nk'ekyo, kwonka nitumanya ngu N'amazima. Kwonka itwe abaikiriza Ekigambo, nitumanya ngu Ruhanga Akakaragaanisa kandi Arinda okuragaanisa Kwe, nitumanya ngu n'Okubaho Kwe okuhuriire, ahakuba Akora nk'oku Yaakozire.

84 Kaaba kari omuriiwe, kandi okagira oti, "Mpaho, tinyiba. Timbeiha." Mpaho, ekyo n'ekintu eki orikubaasa kureka. Noobaasa kureka kwiba, orekye kubeiha, omuntu w'emicwe mirungi ekyo naakikora. "Ninkwata Ebiragiro Ikumi." Ekyo bakakikora Yesu atakafire. Yee.

Kwonka, ekintu kikuru ni, Kristo ohuriire omuriiwe! Abaheburaayo 13:8, "Tahinduka oku abaire ari nyomwabazyo, n'eri izooba nikwo ari, kandi nikwo ariguma ebiro byona," kirikworeka ngu Ruhanga Akamuzoora ahabwaitu, kuruga omu bafu, kurugiirira aha Kigambo Kye ekyaragaanisiibwe. N'ekirikworeka ngu Yesu n'ohuriire ekiro eki. Nitwikiriza eshagama Ye eyaahairweyo, ngu Akahayo amagara Ge. Ako Kamanyiso, k'Omwoyo Orikwera, n'okuragaanisibwa kwaitu. Abaefeso 4:30, neegira eti, "Mutarigwisa kubi Omwoyo Orikwera wa Ruhanga, owaabateereirweho kuba akamanyiso okuhitsya aha kiro ky'okucungurirwaho kwanyu."

85 Ahabw'okubatizibwa n'Akamanyiso aka, kutaaha omu Mubiri gwa Kristo, 1Abakorinso 12, hati twine obugabe aha biconco by'Omwoyo ebirimu. Ensi terikwiririza omu biconco. Ekanisa terikwiririza omu biconco. Kwonka Ekigambo kya Ruhanga nikigira ngu hariho ebiconco. Kandi nikyetaagisa Akamanyiso ako konka kworeka ebyo biconco. Buzimazima.

Kandi Omuriwe Harimu okwijura kwona. Omuriwe harimu okwijura kwona okwa Ruhanga, okwijura kwona okw'okuragaanisibwa. Ku tubatizibwa Twamutaahamu, tuba twine okuragaanisibwa kwona, oku Ruhanga yaaragaaniise, kuri omu ngaro zaitu. Tiharimu kibi. Tiharimu rufu. Kandi nangwa n'oburwaire tibukaabaasa kuguma omu Kubaho Kwe. Sitaane obwo ku araakuteho engaro ze kandi akagyeyaho kukugyeza akakutaasya omu kintu, nookwata Akamanyiso kaawe omu ngaro zaawe reero okoorekye, ku ori ekintu ekicungwirwe kya Yesu Kristo. Amiina. K'okwikiriza kwawe okutafungwire kuzunguze ako Akamanyiso aho, reero ogire oti, "Ndi ekintu eki Yesu Kristo yaaguzire." Amiina. Oburwaire nibuhunga!

86 N'enki ekireeteire ekyo kizimba kihango omu mukyara wangye kubura nyomwebazyo? Ebiro bikye byonka ebiwingwire, abaire ayeteekateekire kuza aha meeza y'okushemerezaho, mbwenu hati tibarikubaasa kureeba ekintu na kimwe. N'ahabw'okuba amaani g'okuzooka kwa Yesu Kristo, ako Akamanyiso ka Ruhanga, ngu na hati Ariho ahuriire. Ekyo kikicwekyereize.

Ahabw'enki ebintu ebi nibibaho? N'ahabw'okuba Ruhanga akakiragaanisa. Ori ekirugire omu kuragaanisibwa. Kwata Akamanyiso, omu kwikiriza kwawe okutarikuzongazonga omu Kigambo Kye ekiragaanisiibwe. Ruhanga rimwe akatuha Akamanyiso . . .

87 Obwo nimpendera, tindikwenda kubakyerereza obwire burailingwa munonga. Twaza kushohora shaaha ishatu n'ekicweka.

Ruhanga akaha ensi akamanyiso, rimwe, kakaba kari omuhanganzima. Akabaha akamanyiso, ngu Akaba atarikuza kucwekyereza ensi n'amaizi bundi. Kandi obutoosha aguma ari omwesigwa aha akamanyiso ako. Amiina. Takaremwaga kukooreka. Ruhanga akakora akamanyiso, yaagira ati, "Ndyabaha akamanyiso. Kandi ku Ndaabaragaanise eki, buri kaire enjura yajja, Ndyabooreka akamanyiso aka." Kandi Ruhanga, ku Akora akamanyiso, Ayoreka Ake, 'habw'okuba ekyo nikyo Yaaragaaniise kukora. Kandi Naatugiramu amatsiko kukora ekintu nikyo kimwe. Aguma ari omwesigwa aha kamanyiso Ke.

88 Kandi ku turaabe tuzairwe Omwoyo wa Ruhanga, obutoosha tugume turi abeesigwa Ahariwe. Ku oraabe ori omwe ow'ekigano okyamukiriire, oine nk'omuringo gw'okucamukirira, okeegaita aha kanisa emwe, waagira nk'oku waakyamukiriraho, obundi waagamba omu ndimi, nari waateera akaari, nari waaguruka-guruka, nari waayeshongorera omu Mwoyo, nk'oku orikukyeta. Ndeebire ebintu ebyo byona nibikorerwa omu batamanya Ruhanga, mwareeba. Ekyo tikirikumanyisa ekintu kyona. Kwonka buzima ekirikurugamu, Amagara masya ga Yesu Kristo, ku gataaha omu mushaija nari omukazi, aba ekihangirwe kisya, omuntu owa ira afire. Ahweire. Tariho. Akamanyiso ako nikateekwa burijjo kworeka.

89 Ruhangaakooreka Ake. Mureebe, egi myaka enkumi n'enkumi yoona, Takaremwaga kukatworeka. N'omwesigwa kandi ow'amazima aha kamanyiso Ke, kirikutworeka ngu Takaremwaga kuha ekitiinisa Eki Akozire. Takaremwaga kuha ekitiinisa! Nitreeba omuhanganzima, kandi ekyo nokyoreka ngu Ruhanga akatuha okwo kuragaanisibwa. Kandi akagira ngu kiryaba kityo, kandi Takaremwaga kuha ekitiinisa Ekigambo Kye. Aryaguma naaha ekitiinisa Ekigambo Kye obutwire bwona. Naakihamya, omuri ekyo. Buri kamanyiso aku Yaahaire, Arinda Ekigambo Kye.

Oo, Ruhanga, Akaturagaanisa Akamanyiso. "Naanye ku Ndireeba egoy shagama, Ndyabahinguraho. Kandi egoy shagama eryaba akamanyiso ahariimwe."

Oo, musiisi, ekiro eki, noobaasa ota kugyenda okaruga omu mwanya ogu, okaruga ahansi y'Akamanyiso ako? Noobaasa ota kweta omu kabi koona ahabw'obwa memba bw'ekanisa yoona nari ekindi kintu kyona? Noobaasa ota kubaasa kukikora, kandi n'okureeba tutwire omu bwire obu hataraho matsiko omu by'obutegyeki, hataraho matsiko omu biro bya nyentsya? Ekintu kyonka ekiraho n'Okwija kwa Yesu Kristo, Okwija kwa Kristo kutwara Ekanisa Ye.

90 Noobaasa ota kushohora oine obwengye okaruga omu kishengye ky'enju eki eky'ahansi, okashohora omu kishengye eki, nari ahandi hantu, reero okeesiga enyikiriza zimwe z'ediini nari ekintu nanka eki otwire noojuriza, ekitarikworeka akamanyiso koona k'Amagara kandi na Yesu Kristo w'obutoosha, kandi-kandi n'okurugayo n'okureetaho ogwo otahinduka oku abaire ari nyomwebazyo, n'eri izooba nikwo ari, kandi nikwo ariguma ebiro byona, n'okworeka Ekigambo Kye nk'oku Yaaragaaniise kukora; reero okabaasa kwemerera kandi okagira oti, "Ebiro by'eb'yamahano bikahwaho," oine Akamanyiso ka Ruhanga We wenine omu magara gaawe?

Ruhanga naayoreka Akamanyiso Ke hati. Kandi Aryaguma obutoosha ari ow'amazima Ahariko. Omu shaaha yaawe y'okufa, Baamaraika ba Ruhanga baryaija kandi bakuheekye kuruga omu kufa, kandi ekifubiro kikuru kitakateire ensi.

91 Kandi nitushoma okwo omuri Yohaana Orikwera 5:24, "Orikuhurira Ekigambo Kyangye." Hati, okuvunuura okw'amazima okw'ekyo ti "orikuhurira." Egyo ni Baiburi eyaahindwirwe King James. Okuvunuura okw'amazima, omu Ruheburaayo omuri ekyo, n'oku, "Orikutunga Ekigambo Kyangye." Ti ogwo orikuhurira; omuntu weena naabaasa Kukihurira, abasiisi n'ekindi kintu kyona. Kureka, "orikwakiira," orikubaasa Kukikwata kyona. Ti, "ogwo orikutunga kimwe aha Bigambo Byangye." "Orikwakiira Ekigambo Kyangye, kandi akaikiriza Owantumire." Ku oraayaakiire Ekigambo, Nooba Waamwakiira. Buri kintu eki Yaagambire ngu okore, ekyo nookunda kandi nooshemerwa kukikora. "Orikwakiira Ekigambo Kyangye kandi akaikiriza Owantumire, aine Amagara Agatahwaho, kandi tariza omu rubanja, kureka aherize kuruga omu kufa yaataaha omu magara." Oo, ka n'okuragaanisa! "Naanye ku Ndireeba Akamanyiso aka, Ndyabahinguraho."

92 Hati Atwinemu amatsiko g'okworeka Akamanyiso Ke aha madiini g'ebikwangara agatarikwikiriza ga Sitaane goona n'ebigombe by'amadiini by'ensi egi, ngu nitwikiriza ekyo eki Yaaragaaniise. Nk'oruzaaro rwa Abrahamu, Naabaasa kukirinda. N'obu ebya sayansi, abarikuza aha kwezi n'obu baakuba bangahi, abanyasayansi n'obu baaakuba bangahi, abaraimukye kandi bakahamya eki nari bakahamya kiri, kandi omwaka ogundi bakakihindura, titurikufayo eki baraagambe. Obwegyese bwaitu bwona tiburikubaasa kukuha Amagara.

93 Nintuura omu rurembo ahu Yunivaasite ya Arizona eri. Kandi nindeeba ki eruguru okwo kitari oburofa n'enziro, kandi n'amashomero makuru n'ebintu by'orwo rurembo; ekiro kiri, bakaba baine eminyeeto magana ana y'abaishiki n'aboojo bajwaire busha, baine eduraamu z'amaarwa, nibazinira omu mwanya muhango eruguru okwo omuri Sabino Canyon. Abaana bato aba boona nibaruga omu maka, n'ebindi nk'ebyo, haihi naho, bashangye eruguru okwo, kuruga omuri yunivaasite. Twine eki? Yunivaasite neebaasa kukugambira eki embibo ekozirwemu, kwonka terikubaasa kuha embibo amagara. Obwegyese bwawe nibukutwara hare munonga na Ruhanga.

94 Hariho Omwe wenka orikubaasa kukuha Amagara. Hariho Omwe wenka orikubaasa kukuha Amagara, kandi Naija kukikora. Ku oraateho Akamanyiso, ekiro eki, Ari hanu Kukweha kandi akakuha Amagara. Yesu Kristo niwe Magara gaawe. Ahabw'enki otaamwakiira, ekiro eki, obwo turiyo nitwinika emitwe yaitu?

Buri muntu ayecureeze, omunda n'aheeru, omu bishengye by'ahansi y'enju na hoonahoona. Obu ti bwire bw'okuzaana. Obu n'obwire bw'okusima. Obu n'obwire obu mushemereire kusima Ruhanga muri aha meeza zaanyu, eriizooba, bantu 'mwe, nyine amatsiko mukikozire, ahabw'eby'okurya ebi Abahaire. Ebintu ebifiire, ngu ekintu nanka kikafa kugira ngu obaase kuba ohuriire, mbwenu noosiima Ruhanga ahabw'okubyenza ahabwawe ngu bikubaiseho.

95 Hati, ekiro eki, ahabw'enki otakiira, gatari amagara ago ag'obutoosha agarikuteekwa kugarukayo n'ebantu ebyo ebifire omu nsi, kwonka ahabw'enki otakiira Amagara Agatahwaho, ahu aine eki Yaahereyo, akakizoora, Omwana We; kugira ngu mubaase kushushanisibwa n'ekishushani Kye Kyonyini, ahabw'okugarurwa busya omu myoyo yaanyu, okwhihaho eyaanyu n'okutunga Omwoyo We, niko Kamanyiso ku oine Amagara. Kandi Naija kukuhinguraho kandi akuzoore aha kiro ky'okuzooka.

Eki kikaaba okusiima okw'amazima. Eki kikaabaasa kworeka okusiima kwawe ahari Ruhanga Owaakuteereireho omuhanda, kandi akata Amagara Agatahwaho omu maisho gaawe, aha meeza Ye Yonyini, mbwenu naakuraarika Kugahikaho ekiro eki. Noobaasa ota Kuganga? Noobaasa ota kushutama aha meeza haza okasiima ahabw'eb'y'okurya by'obutoosha, omu mugyzenzo ogu baatatenkuriitwe abashuhuuki baataireho, aha Kiro ky'Okusiima; ahabw'enki atari hati obu kishoboorokire gye munonga ahariiwe, ekiro eki, omu muringo ogu mukye ogwanguhi gw'okubuurira?

96 Ahabw'enki otakyakiira hati, reero okagira oti, "Niinyenda Amagara g'omuringo ogwo, Ow'eishe-emwe Branham. Ago ninza kugakiira. Yesu akanfeera. Mbwenu naanye, obundi nyegaitsire aha kanisa, ngizire enyikiriza y'ediini; kwonka buzima kureeba Amagara ga Kristo nigagyendagyenda omuriinye, okuhitsya obu ensi erikufa, kandi Nawe atwire Amagara Ge omuriinye nk'oku Yaagatwire hanu omu nsi, tindikukireeba, Ow'eishe-emwe Branham. Kandi niinyenda kikitunga. Niinyenda kuhamya."

Torikubaasa kwikiriza kuta amagara gaawe omu kabi. Tukyerereirwe munonga hati. Nitukyerererwa munonga ahabw'emigisha egi. Ka Tugaakiire hati.

Hati, tindikubaasa kureeta abantu ahari rutaari egi. Tindikubaasa kukikora, tihariho mwanya ogurikumara hanu. Kwonka kweta abantu ahari rutaari kujunwa n'omugyzenzo, nabwo. Okweta abantu kwija ahari rutaari kujunwa kikatandika omu biro bya Wesley. Eky'amazima ni, "Boona abaikiriize bakabatizibwa," Baiburi nikwo yaagambire.

97 Ni bangahi abari hanu, obu ndikubaasa kureeba abarikureebeka, ahaiguru omu mabaraaza ga kaanyaabiri, aho omu tuhanda tw'ahagati, kandi n'okwetoroora ebisiika, kandi n'omu ntebe, tindikumanya ni bangahi abari aheeru nari ahansi omu kishengye ky'enju y'ahansi. Kwonka ni bangahi omuriimwe, abarikwenda Akamanyiso ako, Omwoyo Orikwera omu magara gaanyu, oraije Kweyoreka omu maisho gaanyu? Omu maisho g'amadiini g'ebikwangara honyini n'ebintu by'ensi egi, okuhitsya obu orikubaasa kureeba ngu Yesu Kristo tahinduka oku abaire ari nyomwabazyo, n'eri izooba nikwo ari, kandi nikwo ariguma ebiro byona, Eshagama yaaherize kukozesibwa. Noobaasa kwimutsya emikono yaawe, reero ogire oti, "Ow'eishe-emwe Branham, hati, ahabw'okwereeza omukono gwangye, nimmanyisa Ruhanga, ngu ekoy ninkyenda omu magara gangye. Nshabira, Ow'eishe-emwe Branham."

Hariho emikono makumi abiri n'omushobo, ninteebereza, ahaiguru. Hariho abandi? Gwimutsye ahaiguru kwonka. Ku ndaabe ntagureebire, Naija kugureeba. Okwo ahaiguru omu ibaraaza rya kaanyaabiri, ahaiguru omu bishengye by'ebirahuri eruguru okwo, ku muraimutsye emikono yaanyu kwonka, Ruhanga naaza kubareeba. Abari aheeru, Ruhanga naaza kubareeba. Eifo omu ki-kishengye ky'ahansi, Ruhanga naija kubareeba ku muraimutsye emikono yaanyu.

98 Ow'eishe-emwe, ow'eishe-emwekazi, hati ahariimwe abaatungire Kristo emyaka ehangwire, kandi obundi nimwehuriramu ngu-ngu oherize kutunga Akamanyiso ako. Nyine amatsiko ngu kihikire. Ku oraabe okaine, toine kukyeraarikiriraho. Nikeeyoreka ko konka. Nkaabaasize nta kwerinda okutaba Beethoven ku yaakubaire naatuura omuriinye? Kristo ku araabe ari omuriwi, yereebere omu ndeeberwamu ya Ruhanga hanu, Baiburi. Reeba omuntu omwe mu Baiburi oku yaabaire naashusha, reeba ku oraabe nooshushana na Danieli, hamwe na Ezekieli, hamwe n'Abakristaayo b'Ekanisa y'okubanza. Reeba yaaba nooshushana nabo. Ori nk'ow'ensi? Nookunda ensi nari ebintu ebintu by'ensi? Ebyo byona bifire reero waaba ekihangirwe kisya?

Enyima aha rubaju rwangye rwa buryo, enyima omu kicweka ky'ekyombeko kya rwagati hanu, noobaasa kwereeza emikono yaawe, reero ogire oti, "Nyijuka, Ow'eishe-emwe Branham, buzima niinyenda kworeka ako Kamanyiso. Ninkenda omu magara gangye. Nintekwa Kukatunga." Ruhanga akuhe omugisha. Ruhangaakuhe omugisha, naiwe akuhe omugisha. Baingi omuriimwe, eego, Mukama naabareeba. Ruhanga abahe omugisha.

Kuri hariho omuringo hati, ahanyima y'okuheza kuta emikono yaanyu ahaiguru mutyo, kandi tihariho kubangaanisa obundi hariho baingi ahansi, haihi, nk'abari ahaiguru hanu, kandi-kandi ahabw'ekyo nitwebuuza . . . Nkore ki hati? Hanu nyine, naabagambira Ekigambo, ndi . . . omu muringo ogwanguhi ogu nyine, ahabw'okuba ndi-ndi omuntu w'obutoosha. Kandi ekoy nikyo orikwenda kuba hati hati, okwanguha kyonka. Iwe fa kwehindura oyanguhi. Na Ruhanga ayanguhiire kimwe.

99 Ku oraabe otakabatizibwa omu kubatizibwa kw'Abakristaayo, rugayo. Nibaija kukubatiza, ekiro eki, ku oraabe nooyenda kubatizibwa. Osiime Ruhanga ngu hariho omuhanda gw'okuba ohuriire. Noosiima, eriizooba, ngu nootuura omuri Amerika. Siima Ruhanga ku oine ekanisa hanu erikwikiriza Ekigambo kya Ruhanga. Noosiima Ruhanga ahabw'okuba Akuha eby'okurya by'okurya, kugira ngu obone kutuurple omwanya muraingwaho, hati ahabw'enki Otarikumwakiira kandi okasiima ahabw'Omwoyo Orikwera orikuha Amagara Agatahwaho. Ahabw'enki otarikwia haza okaikiriza Ekyo? Hariyo ondijo abataayereeza emikono yaabo, abarikwenda kukikora

hati, hanu aharikureebwa ngu mbaase kureeba? Ni kirungi. Ruhanga akuhe omugisha, omukyara muto. Ruhanga ahe omugisha ego mpangare. Kandi Ruhanga abahe omugisha. Ekyo, ekyo ni kirungi.

100 Buzima kimanyise hati, kimanyisize kimwe. Eshaaha y'okuhendera egi hati, tutsigaise edakiika itaano kuhika aha bwire bw'okuhendera, kuhika shaaha ishatu n'ekicweka. Ka tushutame tuhunami ahaw'aakaanya kakye, ab'omunda n'ab'aheeru. Ka tuteekateekye ahari eki, omu mazima. Tikiri . . . Nikireeta okukyamukirira, buzima. Kwonka ka turekye kuteekateeka aha kukyamukirira hati hati. Ka tuteekateekye aha kuhamiza kimwe eki turikukora, "Ahabw'okwikiriza ninta engaro zangye aha Kitambo kyangye, Yesu Kristo. Niinyenda kworekwa omu kufa Kwe. Ensi naagireka. Hollywood naagireka. Emishono naagireka."

Abakazi, "Okushara eishokyе ryangye naakureka. Okujwara ebijwaro by'obwa maraaya naakureka. Okwetona naakureka. Okuzaana kyanisi naakureka. Oburofa bw'ensi na-naabureka."

Mushaija 'we, naiwe otyo, "Okunywa amaarwa naakureka. Okureetsa naakureka. Okubeiha naakureka. Emizaanazaano naagireka. Okugamba ebirikushetsya na-naakureka. Ebigambo ebi byona ebitaine buryo ebi Baiburi yaagizire ngu turyabyetonganira naabireka."

"Niinyenda kuteebwaho akamanyiso. Niinyenda Akamanyiso omu magara gangye. Ninta engaro zangye, ahabw'okwikiriza, hati hati, aha Kitambo kyangye, Yesu Kristo. Niinyeyoreka nk'omuntu ofiire," nari omukazi ofiire, omwojo nari omwishiki. "Hati naafa, hamwe Nawe, ahabw'okuba Akafa ngu mbaase kuba ohuriire. Kandi ninyakiira amagara gangye, Omuriwe. Kandi, Ai Mukama, kimmanyise, ekiro eki, ngu Amagara Agatahwaho hati gari omuriinye."

101 Muteekateekye ebyo ebiteekateeko. Mwikirize ebyo ebantu. Ka ekibiina ky'abantu eki kyona ekyemereire hanu, ahaiguru, ahansi, kandi n'okwetooroora omwanya ogu, ka boona bakwate ekyo n'amaani kandi n'obwesigwa. Nimwija kureeba oruteerane rw'okutamba oru mutakareebaga, eki ku kiraatandikye, ekyo kyatandika. Eki turikwetenga hati n'okutambira emitima yaitu, okwikiriza, e-e-ekintu nanka omuriitwe ekikwata Ekigambo, ngu waareeba Ekigambo nikiba ekihuriire. "Fa kugamba Ekigambo kwonka, kandi nikiija kuba kwo." Nk'Omurooma oku yaagambiire Yesu ati, "Fa kugamba Ekigambo kwonka, kandi nikiija kuba kwo."

102 Tataitwe ow'omu Iguru, niinyetegyereza ngu eshaara yangye hati eri ahagati y'abahuriire n'abafiire. Ngambe ki, Mukama? Nkorese bigambo bya muringo ki? Mukama, nyijane bigambo ki Ahariiwe? Tindikumanya eky'okugamba. Baayereeza emikono yaabo. Noomanya ekyaba kiri enyima yaakyo, yaaba baakimanyisa, nari baafa kukikora nk'omugyenko, nari buzima yaaba baakimanyisa. Ku baraabe baakimanyisa, Mukama, nimmanya ngu Noommanyisa Ekigambo Kyawe. Oyeteekateekire kworeka kyona eki Waaragaaniise.

Mbwenu ninshabira abantu abo hati. Buri omwe omuribo, nimbagarurira Ruha . . . ahabwa Kristo. Buri omwe, nimugarura nk'ekihembo ahabw'Obutumwa obu ekiro eki, ky'Eshagama ya Yesu Kristo, n'Omwoyo Orirkwera owaarugire omu Shagama. Ebikozire eshagama, buzima, Akahayo Eshagama Ye. Akazoora omubiri Gwe, kwonka Yaahayo Eshagama Ye. Ebikozire eshagama bikooma, ira munonga, eifo okwo Karuvariyo. Kwonka Akamanyiso akaabaire kari omu bikozireshagama, Omwoyo Orirkwera owaabaire ari omu bikozireshagama egyo, ni musya kandi ariho, ekiro eki, nk'oku Yaabaire ari eizooba eri obutafaari bw'omu Mubiri Gwe bwacwanyagurika. Ako niko Akamanyiso. Ako niko Kamanyiso, Akamanyiso k'ebiro n'ebiro. N'Amagara Agatahwaho. Ninshaba ngu hati kaije ahari buri omwe omu beinikire emitwe yaabo, kandi ku Baraakaakiire.

103 Nibasiima, ekiro eki, Mukama, ngu Okataho omuhanda. Nibasiima ahabwa Yesu Kristo, ekintu ekifiire eki Waazoire ahabw'okwiwhaho orurbanja kwaitu, okworeka ngu ku turaatungye aha Magara Ge, nitubaasa kuba abahuriire ebiro n'ebiro. Ninshaba ngu Kaije aha kibiina eki, abo abaimukize emikono yaabo. Kandi shana bamwe omuribo, baabaire nibamanya ngu bakaabaire bakikozire, kwonka bakanga kukikora okumara omwanya muraingwa, kandi muraingwa, okuhitsya obu ahanyima y'akaanya kakye hariho enkojo eshazirweho. Tihakirihoyetengo kyona. Ruhanga, garuka otengyetse omuntu ogwo. Eki nikibaasa kuba ekiro ky'aha muheru omu nsi eki baraije kuba abahuriire. Nyencakare obwire nibubaasa kuba bwahweire.

Omwami Kennedy akaba naamanya ata, ngu ariyo naashuma omu ruguuto rw'omu rurembo, naasheka, ngu omu dakiika endijjo, akaba naaza kuba agarami aha bibero by'omukazi we, afiire. Saabiiti ehweire akaba ashemereirwe, naayesiima, naazaana n'abaana be, ekiro eki omubiri gwe nigujundira omu kituuro. Omushaija rurangaanwa, Purezidenti waitu, kwonka rufu tihaine ou eshororaa. Neeteekwa kwija.

104 Mbwenu hati, Mukama, ka tubaase kwetebekanisa ahabwa rufu egypt eshaaha egi. Mukama, ninkikiriza, busya. Niinyeshweka busya hamwe Naiwe, ekiro eki, Mukama, obwo nyemereire omu kituuti. Nk'oku naagambira abantu akasheeshe aka, aha kutaayaaya Kwawe aha mutwe gw'orushozi, Mukama Ruhanga, Ni-Ninkuragaanisa, busya, ka mbe ohuriire Waaba nonyetenga kuba ohuriire, kandi ka mbe omwesigwa aha biragiyo by'Ekigambo eki. Ka ntuure ntyo, okuhitsya obu ndikubaasa kubinga ebiteekateeko byangye, kubinga amagara gangye, reero nkaikiriza Amagara ga Yesu Kristo gakagworekyerwemu, omu Kigambo Kye ekiragaanisisiibwe ky'ekiro eki. Kandi reka okuragaanisa kukuru oku kwije ahari buri omwe ori hanu hati, ahakuba nitukishaba omu Iziina rya Yesu Kristo.

105 Twinikire emitwe yaitu hati.

Hariho enshuro ejiwire Eshagama,
 Erikuruga omu mutsi gwa Emanueli,
 Kandi abasiisi ku baibikwa omuri ogwo mwegyemure,
 Okucwerwa orubanja kwabo kwona kuhwaho,
 Okucwerwa orubanja kwabo kwona kuhwaho,
 Okucwerwa orubanja kwabo kwona kuhwaho;
 Kandi abasiisi ku baibikwa omuri ogwo mwegyemure,
 Okucwerwa orubanja kwabo kwona kuhwaho.

Hati twinikire emitwe yaitu. Imwe abaakora ekyo, nimwikiriza muti, "Yesu Kristo, Ninkwenda. Niinyenda Akamanyiso Kaawe." Mwareeba, n'okushaba kwave okurukujuna, n'okwikiriza kwave okurukujuna. Noikiriza hati n'omutima gwave gwona, kandi oyeteekateekyeire okubatizibwa kw'Abakristaaayo, noobaasa kwereesa omukono gwave ahaiguru? Gira oti, "Nyetegwire." Ruhanga akuhe omugisha. Ruhanga akuhe omugisha. Ekyo kihikire. Enju y'ahansi, tindikumanya ni bangahi abari ahansi okwo. Ragaanisa Ruhanga kwonka. Enyima omu kyombeko kya rwagati hanu, aha rubaju rwangye rwa buryo. "Hati niinyikiriza Yesu Kristo, kandi nyeteekateekyeire okubatizibwa kw'Abakristaaayo."

"Mweteise, mwna mubatizibwe omu Iziina rya Yesu Kristo, mubone kusaasirwa ebibi byanyu." Ahabw'enki? N'enki ekirikutuma waabatizibwa omu Iziina rya Yesu Kristo? Ahabw'okusaasirwa; okusaasira! "Tihariho rindi iziina ahansi y'Eiguru eryahairwe omu bantu." Ahabw'okusaasirwa ebibi! "Kandi nimwija kuheebwa Akamanyiso. Ahakuba okuragaanisibwa oku n'okwanyu, n'okw'abo abari hare, omuntu weena oryetwa Mukama Ruhanga waitu."

106 Kandi Ruhanga ku araakwete, kandi waayereerize omukono gwave, obwo okuragaanisibwa n'okwawe. Siima. Yeshariremu hanu kandi oyeyorekye hamwe na Kristo, obwo orikwija ahabw'okubatizibwa omu maizi. Omuheereza naaza kukubugana hanu reero ayeteguuirire zaasaaviisi z'okubatiza, waaba nooyenda kubatizibwa. Ningira ngu batebeekanisize ebijwaro n'ebintu hati, omu kishengye ky'ahansi y'enju, ahabwa saaviisi y'okubatiza, ku oraabe nookyetenga otyo. Otakyemereza okuhitsya obundi bunaku, nyencakare. Kikore hati. "Ogwo ovuga ekyoma ekirikuhinga, akareeba enyima, tashemereire ekyoma ekirikuhinga." [Omwanya oguriho busha aha rutambi rw'amaraka -Omur.]

107 Yoreka Akamanyiso aha murimo gwave. Iwe Koorekye, hoonahoona. Nari, ku oraabe noosiima, yereeza omukono gwave, kandi noosiima Ruhanga, ku waayorekwa hamwe na Kristo. Ruhanga abahe omugisha. Yee.

Hati, ow'eishe-emwekazi ori aha nanga, Okwikiriza Kwangye Niiwe Kuhangire Amaisho. Ow'eishe-emwe Anna Jeanne, ku waakukwatanisa nawe aha nanga. Okwikiriza Kwangye Niiwe Kuhangire Amaisho, obwo turikwemerera, naitwe, aha maguru gaitu hati, okujuririra Ruhanga. Ka buri omwe hati, ayeshongore ekyeshongoro eki ekyo ira ky'ekanisa, ahabwa nyentsya, kugira ngu ku turaarugye hanu, omu nsi egi, Okusiima okundi kutakahikire omurundi ogundi, ekiro ky'Okusiima, ngu buri kiro omu magara gaitu nihaija kuguma harimu okusiima, ngu Ekigambo na hati kihuriire, ngu tworekirwe Nawe, omu kufa, kuziikwa, n'okuzooka.

Kandi hati imwe abari omu nju y'ahansi, imwe abari omu ibaraaza rya kaanyaabiri, naimwe abari aheeru, omu tuhanda twa rwagati, omwe naija kubabugana hanu hati, kutwara okushaba kwave ahabw'okubatizibwa omu maizi, omu kaanya kakye.

Ka tuhumize amaisho gaitu hati, twereeze emikono yaitu ahaiguru, ahabw'omutoijo gw'okusiima kwaitu ahari Ruhanga, abari omu nju y'ahansi, ab'ahaiguru, hoonahoona. Ni kirungi.

Okwikiriza kwangye Niiwe kuhangire amaisho,
 Iwe Mwana gw'Entaama wa Karuvariyo,
 Mujuni Ruhanga,
 Mpurira hati naaba ninshaba,
 Onyiheho ebibi byangye byona,
 Otarindeka- . . .
 Kuruga eriizooba mbeere kimwe Owaawe!
 Naaba nindaba omu mianda eshobenkaine y'amagara agarimu omwirima, (ba ekyererezi)
 Kandi ku ndaabe nyehingurizibwe enaku, (yoreka Akamanyiso kaawe)

Ombeere omwebembezi;

Ragiira omwirima guhindukye omushana,

Oo, nyihaho obwoba bwangye bwona,

Otareka nkahaba

Nkaruga aha rubaju Rwawe.

108 [Ow'eishe-emwe Branham yaatandika kweshongora abumbire eminwa, "Okwikiriza Kwangye Niiwe Kuhangire Amaisho." Ow'eishe-emwe yaatandika kugambira omu ndimi ezindi. Omwanya oguriho busha aha rutambi rw'amaraka. Ondijo w'eishe-emwe yaazishoboorora -Omur.]

Mwecureereze kimwe. N'okwetwa nk'okwo, ninkekateeka ngu nshemereire kweta abo abarikwenda kujunwa kwija hanu omu maisho ga rutaari egi. Okwikiriza kwave kwine amatsiko omuri ekkyo? Noijuka rimwe obu abantu baabaire beemereire, reero Omwoyo akashuma aha muntu kandi akaragura. Okugamba omu ndimi, zikashoboororwa, n'obunabi. N'ahabw'ekyo, ninhaba abo abarikwenda kujunwa hati, ku mwakwija omu maisho, imwe abatarikumanya buzima ngu mwine Eki. Mwahurira okwo kurabura? Timwine obundi bwire bwingi. Ogu nigubaasa kuba omugisha gwawe gw'aha muheru, ekiro eki, noobaasa Kumugwisa kubi omurundi gw'aha muheru.

109 Noobaasa kwija, obwo tukyeinikire emitwe yaitu. Kandi garuka oyeshongore, mpora, "Hariho enshuro" (kikore gye, hanu hati) "eijwire Eshagama, kuruga omu mitsi y'Emanueli." Ni kirungi. Mwinikire emitwe yaanyu. Mwije, abarikwenda kujunwa. Niinyenda ku . . . Ruhanga abahe omugisha. Mwije mugumizemu omumaisho hati, abari omuri kaanyinaabiri; nari, enju ey'ahansi, mwinamukye reero muteeranire hamwe, reero twoherezeyo omuheereza hati abafeho. Mutambure muze omu maisho hati. Imwe abarikwija, mwizire kimwe hati. Mutakyemereza okuhitsya obundi bunaku. Otaikiriza Sitaane akagira ati, "Oo, obundi bwire." Kikore hati hati. Hati hati, juba, mwije. Kwata enkoni yaawe omu ngaro. Enkoni omu ngaro zaawe, mwezirkire; okuhingurwaho nikwija.

. . . okucwerwa orubanja . . .

Okucwerwa orubanja kwabo kwona kuhwaho,

Okucwerwa orubanja kwabo kwona kuhwaho.

Mugume nimwija, mugumirizemu kimwe ahansi, mwije mugumirizemu kimwe eruguru aho.

Kandi-kandi abasiisi ku baibikwa . . .

Otagyezaho, oteeta omu kabi. Obwire buhweireyo bw'okweta omu kabi, munywani. Ku oraabe otahamize, ija hati. Obu nibwo bwire.

Ogwo mwambuzi arikufa akeesiima okureeba

Egyo Nshuro (oo, okusiima okuhikire!) . . . biro bye;

Omuntu nanka naasiima ngu Ruhanga akatuma Omwana We kugira ngu abaase kworekwa hamwe n'abantu.

. . . mubi nkawe,

Ekoozya ekibi kyangye kyona . . .

Muhigize ogwo mukyara ashuume omu kahanda ka rwagati y'entebe. Ekyo kihikire. Gumizamu oije, ow'eishe-emwekazi.

Eyozye ebibi byangye byona,

Eyozye byona . . . (oo, ka n'obwire hati!) . . . hare;

Oo, kandi aho naanye, n'obu ndi mubi nkawe,

Eyozye ebibi byangye byona . . .

Oo, eyo Nshuro eri hanu hati. Ka twereeze emikono yaitu, hoona hoona, nitusiiima Ruhanga. Okusiima!

110 Tataitwe, Ruhanga, yaakiira okusiima kwaitu, ekiro eki. Yaakiira abantu aba omu Bukama Bwawe, Mukama. Nitukusiima kandi nitukuhimbisa, omuri Mukama waitu Yesu.

Bamwe omuriimwe b'eishe-emwe mushuume omu bantu aba hati. Mwizire kimwe mushuume omu bantu.

Ruhanga ahimbisibwe! Ninsiima, ekiro eki, ahabw'Omwoyo Orikerwa, kandi n'ahabw'ebintu ebiturikumanya ngu ariyo Naakora.

Imwe abari ahari rutaari hati, Mumuhe amagara gaanyu. Obu ka bube obwire obu Amagara garaataahemu.

Okucwerwa orubanja kwabo kwona kuhwaho.

Siima Mukama hati kwonka, buri omwe omuriimwe, ba n'okusiiima kwonka. Akakuragaanisa Omwoyo Orikwera; Mumusiime Ahabwe. Ekyo nikyo baabaire nibakora, nibasiima kandi nibaha Ruhanga omugisha, ahabw'okuragaanisibwa. Kiikirize hati!

Siima Mukama hati kwonka, buri omwe omuriimwe, ba n'okusiiima kwonka. Akakuragaanisa Omwoyo Orikwera; Mumusiime Ahabwe. Ekyo nikyo baabaire nibakora, nibasiima kandi nibaha Ruhanga omugisha, ahabw'okuragaanisibwa. Kiikirize hati!

Ow'eishe-emwe Don, ija.



www.messagehub.info

Obutumwa obu bukabuurirwa
William Marrion Branham
“... omu biro by'eiraka ...” Kush 10:7